

# Nga Bwe Nnabeeranga Ne Musa, Bwe Ntyo Nnaabeeranga Naawe

Jeffersonville, Indiana, USA  
Seputemba 11, 1960

1 Tukomyewo nate enkyo ya leero oluvannyuma lw'otulo otulungi ekiro. Nsuubira fenna twakufunye, era tuwulira okutoowolokaka olwaleero.

Mbadde ndowooza bulowooza, nga nnyimiridde mu kisenge, Billy Paul n'ateekamu sente abiri-muttaano. Nzijukira nga nnyimiridde ku kituuti kino ky'ekimu, Frankie Weber, muliraanwa waffe wano, nze naye twasomanga ffembii. Nze nnali wa myaka nga abiri-mu-gumu, era, obanga abiri mu ebiri nzikiriza. Era ye nga yaweza dda abiri mu etaano. Bwe yateekamu sente abiri-mu-ttaano, nnalowooza nti, "Oh, owange! Frankie anaatera okufa! Akaddiye nnyo!" Era-era kaakati, ne ndowooza nti, "Ndiola ntya bwe ndiweza emyaka egyo, abiri-mu-etaano?" Era kaakano mutabani wange ataddemu abiri mu ttaano.

Kiraga bulazi nti ebiseera bidduka, ate tebirina gwe birinda. Tuteekwa okukola nga obudde bukyali misana, kubanga ekiseera kigenda kutuuka nga tetukyasobola kukola. Era bulijo njagala nnyo *Zabbuli y'Obulamu* eya Longfellow, "Okwawukana, kutulekera obuufu ku musenu gw'ebiseera." Tuteekwa okukola obuufu nga tukyasobola okubukola, buli omu ku ffe. Tuleme kwonoona wadde olunaku olumu, wabula buli lunaku tulubale nga bwe tusobola, olw'ekiitibwa Kye.

2 Ennaku bbiri eziyise, manyanga wiiki bbiri eziyise, bwe kibadde. Nga ffenna bwe tukimanyi wano, Mukama Awa okwolesebwa. Kale nnafuna okwolesebwa okutali kwa bulijo nga ndi eyo emmaga mu Kentucky. Be nnali nabo Nnabagamba nti, "Mazima ddala waliwo ekintu ekigenda okutuukawo."

Nnalaba mu maaso gange, ku ssaawa nga mwenda ez'ekiro nga obudde bugenda okukya, omusajja nga ayimiridde, mu kisenge, ng'alabika bubi nnyo; si nga baganda baffe abaddugavu abakyala n'abaami. Omusajja ono yali wa njawulo. Nga omubiri gwe aliko emyambe. Yali ajja nga agaludde emikono gye, okunkwata. Kye nnali nneekuumisa kaali kaso, naye nga si kalungi. Nga siyinza kukeeyambisa kuntaasa. Kale nno, mu ngeri emu, Mukama n'Ayingirawo, n'Antaasa okuva ku musajja ono kibijigiri. Yaliko emyambe ku mubiri gwe. Nnali mmulaba nga agaludde emikono gye, nga emyambwe gy'alina mu ddiba ly'omubiri gwe nga ppaasi bw'edda eno n'eri. Ndowooza nti, mpozzi nga n'essasi eggumu terisobola kuyingira mu ddiba lye eryo ebbi eryamuliko, nga ensolo ezimu, enfuddu oba ekintu bwe kityo. Yali ajja gye ndi. Nnina ekituufu kye ndowooza ekyo kye kyali na kiki kye kitegeezza.

3 Naye, nno ate, Olw'okubiri oluyise ku makya, ku ssaawa nga mwenda waliwo ekintu ekirala ekyagwaawo. Nnali waka. Mu maaso gange nga ndi mu kisenge, waaliwo ow'Obwakatonda eyayogera ebigambo ne ssibitegeera. Era ebiseera bye Yategeka binaatera okutuuka. Naye ssaamuwlira bulungi, naye Yali Oyo ow'Obwakatonda. N'agamba nti, "Ennaku endala musanvu, era ojja kuyimirira nga Musa bwe yayimirira," oba "ojja kuba nga Musa bwe yali," oba ekintu nga kikwata ku Musa. Awo mba nsigazzaayo olunaku lumu nga olwaleero oluggyeeko. Olwo lwe liali olw'omukaaga. Simanyi ekyo kye kitegeezza. Mmanyi nti Ajja kukirambulula, kyonna kye kiri. "Ogenda kuyimirira," oba "Nnina okuyimirira," oba, "beera nga," oba kyabadde kintu ekikwata ku, Musa. Era ssaakirowoozezzaako nnyo. Nabuulidde ab'omu nnyumba yange ne mbuulira n'omwagalwa wange nti nnalabye kino eky'Obwakatonda. So nga Yayogera nga omusajja.

Awo ne ntegeera nti Obubaka bwange, obw'akawungeezi ka jjo, Mukama yanjanizza ne nnonda Musa. N'enkyo ya leero, ye Musa n'omusika we. Era Ekyawandiikibwa kye nnaatera okukwatako, enkyo yaleero, oba, kikwata ku Musa ne Yoswa. Era Ekyawandiikibwa kino, Yoswa essuula esooka, Kyawandiikibwa kya nkukunala nnyo bulijo. Sikibuulirangako, mu bulamu bwange; njenda kukigezaako enkyo ya leero.

4 Naye, wayiseewo kati emyaka nga ebiri, nnalaba Baibuli mu kisenge, yajja n'eyimirira we nnali. Era Omukono, okuva waggulu, ne gwawula empapula, ne guzibikkula; ne gutuuka, ku Yoswa essuula 1 ku lunyiriri olwo 9, ne gukoma awo, nga gugenda mpolampola. Nninze essaawa eno okutuuka, we nnyinza okukiwlirira nga Katonda bw'Atyo bw'Ayagala nkyogereko.

Kaakati, temwerabira okusaba okw'akawungeezi, bwe muba...musobola okujja nga temugenda kubeera ku mulimu. Bwe muba mulina amakanisa agabeetaaga, olw'ensonga, ddala tubakubiriza okubeera mu makanisa gammwe.

Enkyo ya leero tugenda kusabira abalwadde, amangu ddala nga Obubaka bwakaggwa. Era ndowooza, awo, ekigenda okuddako, lukuñjaana lw'okubatiza.

Era akawungeezi ka leero, nga Mukama Ayagadde, njagala mbuulire ku *Ebantu Bitaano Ebituufu Ddala Eby'omu Byawandiikibwa Ekkanisa kw'Emanyirwa*, n'akakwate ke tulina nabyo, n'Ekkanisa ey'Endagaano Empya, n'engeri gye tukwataganamu n'Ekkanisa eno. Okusaba kujja kutandika, ennyimba, ku ssaawa emu-n'ekitundu; nja kugezaako okubeera ku kituuti ku ssaawa bbiri. Era Mukama ng'Ayagadde ku ssaawa ssatu-n'ekitundu tujja kuba tumalirizza.

5 Kale nno, nneesiga nti olwaleero, nti tebijja kuba bimu ku bino ebigambo, nti, bwe nzija wansi ku

kutumibwa, nti tewali ajja kulemwa kukiraba. Kubanga, kikulu nnyo nti oteeke ku mabbali buli kintu kyonna kaakati, olowooze, nga bwe tulinda ku Mwoyo Omutukuvu.

Nga tetunnakwata ku Kigambo kino eky'ekitalo era eky'ekisa, njenda kusaba mukwano gwange omulungi, era mukozi munnange, Dokita Lee Vayle, oba anaayimirira atukulembere tusabe, nga bwe tubikkula Ekigambo. Ow'oluganda Vayle.

[Ow'oluganda Lee Vayle atandika okusaba. Ebbanga ejgereere ku lutambi-Omuk.]

Weebale, Ow'oluganda Vayle olw'essaala eyo erunjamya eri Katonda.

6 Era kaakati leka tubikkule Ebyawandiikibwa. Waliwo bingi nnyo eby'okwogerako; so nga ate tulaba waliwo bangi nnyo abayimiridde ku bisenge ne mu

bizimbe, n'ebirala. Nzikiriza nti twolekedde olunaku olupya olugenda okukya. Kaakati, mu Byawandiikibwa ebigenda okusomebwa enkya ya leero, tubikkule mu ssuula 1 eya Yoswa. Era tujja kusoma okuva mu Kitabo kya Yoswa ekisooka, essuula 1, ennyiriri omwenda ezisooka. Nga bwe twetegeka...

Obubaka buno bukwatibwa ku lutambi, era bugenda kuweerezebwa mu bitundu bingi mu nsi yonna. Nnandyagadde abantu mu nsi yonna Mukama b'Ampeereddeko okuganja, ne nfuna ekisa mu maaso gammwe. Njogera kino, enkya ya leero, kubanga, gye bujja mu maaso, nsuubira okujja mu kibiina kyammwe ne mu nkunjaana zammwe, mulyoke mumanye nga obudde bukyali, kiki Mukama Katonda ky'Akoze, mulyoke mumanye Amazima. Era nga Yesu bwe Yagamba nti, "Amazima galibafuula ab'eddembe."

7 Tusoma okuva mu Yoswa 1.

*...Awo olwatuuka Musa omuweereza wa Mukama, bwe yamala okufa, Mukama n'agamba Yoswa, omwana wa Nuni, omuweereza wa Musa, ng'ayogera.*

*Nti Musa, omuweereza wange, afudde; kale kaakano golokoka, osomoke omugga guno Yoludaani, ggwe, n'abantu bano bona, muyingire mu nsi gye mbawa bo, abaana ba Israeri.*

*Buli kifo kye mulirinnyamu ekigere kyammwe, nkibawadde mmwe, nga bwe nnagamba Musa.*

*Okuva mu ddungu n'olusozi luno Lebanon, okutuuka ku mugga omunene, gwe mugga Fulaati, ensi yonna ey'Abakiiti..., era n'okutuuka ku nnyanja ennene ku luuyi olw'ebugwanjuba, we waliba ensalo yammwe.*

*Tewalibeera muntu yenna aliyinza okuyimirira mu maaso go ennaku zonna ez'obulamu bwo: nga bwe nnabeeranga ne Musa, bwe ntyo bwe nnaabeeranga naawe: ssiikwabulirenga so ssiikulekenga.*

*Ddamu amaanyi, guma omwoyo: kubanga ggwe olibasikiza abantu bano ensi eno gye nnalayirira bajajja baabwe okugibawa.*

Naye mala okuddamu amaanyi n'okuguma ennyo omwoyo, okwekuumanga okukolanga ng'amateeka gonna bwe gali, Musa, omuweereza wange, ge yakulagira: tokyamanga okugaleka ku mukono ogwa ddyo newankubadde ogwa kkono, olyoke oweebwenga omukisa buli gy'onoogendanga yonna.

*Ekitabo kino eky'amateeka tekiivenga mu kamwa ko, naye onookirowoozangamu emisana n'ekiro, olyoke weekuumenga okukola nga byonna bwe biri ebiwandiikiddwamu: kubanga bw'onooterezanga bw'otyo ekkubo lyo, era bw'onoowebwanga omukisa bw'otyo.*

*Si nze nkulagidde? Ddamu amaanyi, guma omwoyo; totyanga, so tweekanganga: kubanga MUKAMA Katonda wo ali naawe buli gy'onoogendanga yonna.*

8 Mu lunyiriri olw'okutaano, awo nga wakati mu lunyiriri, kyawandiikibwa nti; *Nga Bwe Nnali Ne Musa, Bwe Ntyo Nnaabeeranga Naawe*. Ekyo kye, bwe mba ow'okukiyita omutwe, nnandyagadde okukulindako katono okumala akaseera, mbasabe mukiteekoko ebirowoozo byammwe. "Nga Bwe Nnali Ne Musa, Bwe Ntyo Nnaabeeranga Naawe."

Kaakati akawungeezi ka jjo twabadde tutambula n'abaana ba Israeri, okuvira ddala mu Misiri, ppaka lwe twatuuse mu Kadesu. Oh, nga ssomo lya maanyi! Nga kintu kya kitalo, nga bwe twageraageranyizza ekkanisa ey'omubiri n'ekkanisa ey'omwoyo. Katonda ng'Akolagana ne Israeri ey'omubiri; n'ekkanisa mu nnaku zino, ng'Ayitayo okuva mu Bamawanga abantu olw'Erinnya Lye. Akolagana nabo mu mwoyo, nga bwe Yakolagana na bali mu mubiri; bifaanaganira ddala. Ebyo byonna Katonda bye Yabakolamu, n'ebyo byonna Katonda bye Yabakolera, ne byonna bye baakola okumwanukula, bitugoberera ng'ebi'okulabirako. Era tulaba, we tutuuse, Ekigambo kituukiriziddwa, mu ngeri ddala y'emu. Engeri ekyo gye kirimu mu

mubiri, bwe baafunanga obuwanguzi bwabwe oba obw'emirundi ebiri, baatebenkera ne batandika okusanyuka, nga baleekaana n'okuzina n'okutendereza Katonda; mu ngeri y'emu yennyini ekkanisa nga bwe yakola, era kaakati alinze emyaka amakumi ana olw'okuggulawo ekintu ekirala.

9 Era nga bwe tulowooza ku Musa, omuweereza wa Mukama ono ow'amaanyi, engeri okuzaalibwa kwe, ekifo we yazaalibwa, mu kuzaalibwa kwe, Katonda Yamulonda olw'omulimu gwe. Era obulamu bwe bwali buzibu nnyo okutambuza. Kubanga, muntu, kale ye alina engeri gy'ayagala okubutambuzamu, ate n'Omwoyo wa Katonda ng'Amukulembera mu ngeri ndala. So nga kwalabika okuba okusalawo okw'ekisiru, kwe yakola. Nga, ekgere kye kiri ku ntebe ey'obwakabaka, okusikira ensi yonna; ate awtale oludda olulala, okufuuka omweboolereze, oba omutambuze. Mu magezi g'obuntu, kirabikira ddala, kyandibadde kintu kya busiru.

Naye wano tusangawo essomo eddene. Nti, abantu abagoberera Omwoyo, baba basiru, eri ensi, kubanga baba ba Bwakabaka bulala, nga bakulemberwa mu ngeri ndala, nga bakulemberwa Omwoyo. Katonda kkiriza oyo abe nze, era na mwenna, abanaagoberera okukulemberwa kw'Omwoyo, ne bwe kiba kiki, nga mutunuulidde ekisuubizo kya Katonda, okukirindirira kituukirire.

10 Ekyo kyennyini Musa kye yakola. Falaawo yasoma ekyawandiikibwa ky'ekimu Musa kye yasoma. Enjawulo yokka eri nti Falaawo ye yakiraba bulala. Musa yatunuulira abantu be bamu Falaawo be yatunuulira. Falaawo yabalaba nga baddu era abasambi b'obudongo. Musa yabalaba nga abayite era abalonde.

Bwe ntyo bwe njagala okulaba Ekkanisa ya Katonda omulamu, so si kibinja ky'abantu abazoole oba abaaboolebwa, wabula ng'abalonde ba Katonda; awo nno nsobole okuwaayo obulamu bwange, nga Musa bwe yakola, olw'Ekkanisa eno ennene n'olw'Ensonga.

Kaakati, tusanga Musa nga yayitibwa. Era oluvannyuma lw'okutumibwa, yalemererwa omulimu gwe, olw'okugezaako okugukola mu ngeri gye yallowooza nti ye yali esinga obulungi.

N'olwekyo atuyigiriza, nate, nti tetusobola kutwala kye tulowooza okuba nga ky'ekisinga obulungi, oba omuntu ky'alowooza nti ky'ekisinga obulungi. Tulina okutwala ekkubo Katonda ly'Aba Agambye nti lye lisnga obulungi. N'olwekyo, okugoberera Ekigambo kya Mukama bulijjo ky'ekisinga. Twala ekkubo Katonda lye Yagamba.

11 Era mu kulemererwa kwe, tusanga nga yadduka okuva mu maaso ga Falaawo, n'agenda mu ddungu, gye yawasiza muwala wa Yesero, Zipola. Era eyo, ng'amaze okumuwasa, yamuzaalira omwana ow'obulenzi, Gasomu. Awo n'akkalira, mpolampola mu mirembe, mu mulimu gw'okulunda endiga.

Naye, Iwali lumu, Katonda Yawulira okukaaba kw'abantu Be. Katonda Yajjukira nga Yakola endagaano n'abantu abo. Si ekyo kyokka, naye era Yajjukira nti Yalina omuweereza gwe Yali Ayise, era ggwe Yali alonze, era nga Yalina endagaano n'omuweereza oyo. Ate Katonda talikyusa ndagaano Ye oba by'Ayagala, oba okukyusa ekintu kyonna. Katonda bulijjo Ajja kukuumanga ebisuubizo Bye. Newankubadde Musa yali amuyiye era nga yali akoze ekikyamu, naye ate Katonda Yakuuma endagaano Ye. Katonda bw'Ayita omuntu okubaako ky'akola, ateekwa okukikola, aba alina okukikola.

12 Waliwo eyambuuza, gye buvuddeko nti, "kaakati tunoonye ebirabo byaffe eby'obuweereza bwaffe?" Ab'oluganda abamu Abamesodisiti abaali baakafuna Omwoyo Omutukuvu .

Ne njamba nti, "Nedda. Temukikola ekyo. Bwe mukikola, awo Katonda Tayinza kubakozesa." Ne njamba nti, "Eky'okukola kyokka, kugenda bugenzi mu maaso okubeera Abakristaayo. Katonda bw'Aba Akuyise, Ajja kukuteekera ddala awo w'ogwa."

Bulijjo, abo abanoonya ne bagezaako okufuna ebintu, Katonda bw'Abaako ky'Abawa, mu ngeri emu oba endala, baba beemanyi. Bulijjo, Katonda omuntu gw'Ayita, ye muntu aba agezaako okumudduka, Musa ne Pawulo, n'abalala abatali bamu nga bagezaako okuva ku kuyitibwa.

13 Naye tukiraba wano nti, Katonda, newankubadde waaliwo okulemererwa kungi Musa kwe yakola, Katonda Yasigala amutaddeko omukono Gwe. Era Yamuyita okugenda okumuweereza, yamuyita okukola omulimu Gwe. Era nga kuteekwa okuba nga kwali kugumizibwa kunene nnyo eri Yoswa, bwe yawulira Katonda ng'Agamba nti, "Nga bwe Nnabeeranga ne Musa; bwe Ntyo naawe bwe Nnaabeeranga naawe."

Newankubadde, ngezaako, ne nnemwa, Katonda tajja kundeka. Sseesiga nnyo muntu yenna, atya ennyo okubaako ekintu kyonna ky'akola. Waakiri nsangibwa nga nnemeddwa bulemwa okukola okusinga okuba omugayaavu ennyo ataagezaako wadde.

14 Lumu kyagambibwa nti kampuni ya Ballard ne Ballard Flour, baapangissa omusajja, era yali agenda kuwandiika linnya lye, era omusajja teyalina labba esangula ku nkomerero y'ekkalaamu ye. Mwami Ballard n'amugamba, nti, "Lwaki tolina labba esangula?"

N'addamu nti, "Sikola nsobi"

N'amuddamu nti, "Awo siyinza kukuwa mulimu. Kubanga, bw'okola ensobi, to...tokola nsobi, tolina ky'ogenda kukola." Ekyo kituufu.

Katonda takuvunaana lwa nsobi zo. Akuvunaana lwa kwonoona nga ogenderedde. "Ayonoona ng'agenderedde, ng'amaze okufuna okumanya Amazima." Naye omuntu agenda okukola ekintu, agenda kukola ensobi, agenda kulemererwa. Agenda kukola ensobi. Naye bw'aba nga ddala Katonda ye Yamuyita, nga Katonda Ali mu mutima gwe, ajja kuddamu asituke nate.

15 Kyateranga okuba, nga tuzze ku kkanisa wano, emyaka giyiseewo era bayinza n'okuba nga weebali wano enkya ya leero, omusajja omu omutono ne mukazi we. Baateranga okuyimba oluyimba olwansanyusanga ennyo. Lugenda bwe lut:

Nsonyiwa, Mukama, Oddemu ongezese omulundi omulala,  
Nja kuba wuwo bw'Onaabeera owange;  
Bwe ngwa oba bwennemelerwa, leka nsituke nziremu ngezeeko nate,  
Nsonyiwa, Mukama, Oddemu ongezese omulundi omulala.

Ndwagala olwo. Kubanga, omusirikale yenna omulungi aba asobola okufuna ekiwundu oba okulumizibwa. Naye bw'aba akyali musirikale, ng'alina ekigendererwa, ne ky'alwanirira, ajja kusituka addemu agezeeko. Era omusirikale yenna omulungi ow'Omusaalaba ajja kukola ekintu ky'ekimu.

16 Era Yoswa, omuduumizi w'eggye omupya, nga Musa amaze okufa, bwe yalaba nga Katonda teyamuvaako mu nsobi ze, yanyweza omulimu gwe.

Sinsonga kiki Musa kye yakola, yali woofiisi ya Musa Katonda gye yassaamu ekitiibwa. Yali nnabbi. Yali waggulu wa bannabbi bona. Yali asingira ddala bannabbi bona be baalina. Mwannyina yennyini bwe yamusekerera, olw'okuwasa omuwala Omwesiyoipi, Yabayita bona wamu n'Agamba nti, "Temutya Katonda?" N'agamba nti, "Bwe wabaawo omu mu mmwe, ow'omwoyo oba nnabbi, Nja kwogera naye mu kwolesebwa nneemanyise gy'ali mu birooto. Naye si bwekiri ku Musa; njogera butereevu mu matu ge. Temutya Katonda?" Mulaba, ekintu ekyo si kirungi, okulinnya ku bantu ba Katonda. Bw'okola bw'otyo obeera omulumya Ye. Katonda Yali Atumye Musa; ensobi ze tezaalina makulu. Katonda Yali amanyi omutima gwe.

17 Era olumu, Musa, yeemulugunyako olw'okuba n'ebi'okukola ebingi ennyo. Era bwekityo Katonda n'Addira Omwoyo Gwe n'Agwawulamu n'Ateeka ku balala nsanvu. Tebaalina Mwoyo mulala gweyongerako kusinga ku gwe baalina okusooka. Naye ekintu kyokka, beeyongerako abantu abalala abakozi, mu bungi bw'Omwoyo omu.

Katonda Asobola okuteeka Omwoyo We yenna ku Muntu omu bw'Aba Ayagadde, oba Asobola okugubunya mu bawera olukumi singa Aba Ayagadde. Olunaku lumu Yateeka Omwoyo We yenna ku Musajja Ayitibwa Yesu. Kaakati Yagubunya mu makanisa Ge, buli wamu. Katonda Akuuma omulimu Gwe.

18 Kaakati Yoswa, omulwanyi omupya. Babiri bokka abasigaddewo kaakati, abaava mu nsi ensuubize, abo baali Yoswa ne Kalebu. Kaakati, Yoswa, omuduumizi omuggya, okukulembera egghe, okuyimirira mu kifo omusajja ow'amaanyi nga Musa we yayimirira. Tegwali mulimu mutono.

Era ndowooza ku muweereza, olwaleero, Katonda gwe Yayita, okulinnya mu bigere Yesu we Yayimirira. Nga kiragi! Nga mulimu! Naye buli omu Katonda gw'Ayita abeera atumiddwa okuyimirira mu kifo ekyo ky'ekimu. "Ndibeera nammwe, era mu mmwe, okutuuka ku nkomerero y'olugendo." Buli muweereza ayitibwa okuyimirira Ye we Yayimirira. "Emirimu gye Nkola nammwe muligikola." Buli muweereza eyayawulibwa Katonda, alagirwa okuyimirira mu bigere bya Yesu Kristo era akole emirimu Yesu gye Yakola. Ekyo nno kiragi si kitono.

19 Era liteekwa kuba nga lyawulikika litya, Yoswa ng'ayimiridde awo ku makya ago, ng'ayogera ne Katonda. Yagamba nti, "Ssirikuyiwa ggwe. Era nga bwe Nnali ne Musa, bwe ntyo Nnaaberanga naawe. Tewali muntu aliyimirira mu maaso go, ennaku zonna ez'obulamu bwo. Ndizikiriza era Ndisaanyawo. Ndigogola ekkubo. Kimu kyokka, ddamu amaanyi era beera mugumu. Totyanga, teweeraliikirira tweekanganga. Ndi naawe. Nnjenda kuba naawe okutuusa ku nkomerero." Nga mulimu gw'akitalo okuweebwa omusajja ono omupya ayitibwa Yoswa!

Kaakati, waliwo ebifaananyi bya bika bingi nnyo bye tuyinza okuyingiramu, naye ebimu tujja kubibuuka. Eky'okulabirako, nga Musa, ye yali omulembe gw'ekkanisa eyabaleeta ku Sinaayi, ku kusomerera kwabwe eby'eddiini, eby'ekiro kya jjo. Musa teyakkirizibwa kutwala baana ba Israeri kutuuka mu nsi nsuubize, kubanga yali alemereddwa.

20 N'ebibiina by'amakanisa, ebibiina by'amadiini biremereddwa. Tebigenda kusomosa Kkanisa. Katonda Ajja kuyimusa enkola empya, enkola etyawulayawula mu nzikiriza, olw'amaanyi ga Katonda, aganaatwala Ekkansa mu Nsi ensuubize. Ebibiina ssaako n'ebibiina by'amadiini amagunje bikyonoonyeyonoonye, buli kimu nga kigendera ku nsoma yaakyo ey'eddiini, buli kimu nga kigendera ku ndowooza yaakyo kyo. Naye Katonda Ajja kuddira Omwoyo We Omutukuvu Ayimuse Ba Yoswa Be

abanaatwala Ekkansa eri ekisuubizo, nga tekuliiko bukwakkulizo bwa kibiina kya ddiini busibiddwa wantu wonna, naye Ajja

kusomosa Ekkansa Ye.

Musa yali alemereddwa; yali muwi w'amateeka. Yoswa kisa kye kyamuyita, n'awala ekkansa mu maaso.

21 Tukizuula era nti ne Yoswa, bwe yamanya okutumibwa kuno, nga amanyi nti kwali mu mikono gye, nti Katonda Yali amuyitidde omulimu gw'atakeekeddwa kulemererwa, yatambula n'obugonvu mu maaso ga Katonda. Bwe yayita abantu ne bajja wamu n'ababuulira nti Katonda Yali Amutumye, tunuulira abantu bye baasaba. Baagamba nti, "Tujja kukugoberera nga bwe twagoberera Musa, bwe tunaalaba ekintu ky'ekimu ekyagoberera Musa, nga kikugoberera. Kimu kyokka ddamu amaanyi obeere mugumu."

Ekyo kisaanyi kibe ekisanyizo kya buli muntu azaaliddwa obuggyga olwaleero. Bwe tusabibwa okugoberera, awo nno leka tulabe obubonero nga bugenda n'omukkiriza. Nga Yesu bwe Yagamba nti, "Bye Nkola nammwe mulibikola."

Nsoose kubasaba, okukakasa nti emitima gyammwe mu mwoyo, miggule enky ya leero, kubanga nkakasa nti mujja kukwata bye njogera. Okutuula n'abantu ab'ebibiina by'eddiini ejunjune, ebibiina byonna ebya buli kika bikunjaanye wano enky ya leero, okuva ku Bakatuliki oktuuka ku Bapulotestanti, n'ebirala bingi ebitali bimu, kale mu buli ngeri kijja kubikkulirwa eri abajjudde Omwoyo.

22 Kaakati Yoswa yalina okutwala ekiragiro kino. Abantu baagamba nti, "Leka Katonda Abeere naawe nga bwe Yali ne Musa, kale tujja kumanya nti Omwoyo ye omu Atutuusizza wano Asobola okutwongerayo."

Oh, Ekkansa nga esaanyi okutunula, enky ya leero, okuzuula ng'Omwoyo Akolera mu bantu, bw'oba oyagala ekkansa awaka awo Omwoyo Eyazuukiza Kristo okuva mu bafu, Omwoyo Omutukuvu mw'Anaatambilira wakati mu bantu. Oyo ye Mwoyo Katonda Gw'ali mu kusitula, mu nnaku ezisembayo, okusomosa abantu, mu Nsi endala, mu kisuubizo ekijjuvu eky'emikisa gya Katonda gyonna, n'eri okutumibwa okujjuvu kwe Yawa, oba ekisuubizo. "Ekisuubizo kiri eri mmwe, n'eri abaana bammwe." Nga Israeri bwe yanoonya ensi eyo ensuubize, nga bamanyi eriko w'eri, kubanga waliwo eyali abaddeyo kko, bw'etyo n'Ekkansa. Tukimanyi nti waliwo awali Ensi. Waliwo awali amaanyi, kubanga waliwo ababadeyo eyo. Tumanyi nti Ensi eyo eri mitala wa mugga, eyo gye twolekedde, enky ya leero, tuli mu kugezaako kugenda mu Nsi eyo ensuubize.

Yoswa yamanya nti ensi eyo yaliyo. Yasooka n'agendayo kko azuule, alyoke akomewo ng'omujulizi.

Abawereza Katonda be Yayita tebateekeddwa kwepankira mu byanjigiriza by'akinnaddiini, wabula babeere nga bakyalako mu Nsi eyo gye tugenda, nga baleetayo obukakafu bw'okwagala kw'Obwakatonda n'amaanyi ga Yesu Kristo, okumanyisa ebibiina byabwe, nti waliyo ensi emitala w'omugga.

23 Kaakati, okubuulira, kw'ekiro ky'ajjo, "Okwambuka waggulu ku Yoludaani." Kaakati, bwe tutuuka ku mugga ogwo, gutwawulamu. Gutwawula. Kasita oba ku luuyi luli, olina okuba nga waliwo ekikutuuseeko.

Kaakati, Yoswa, mu bino byonna, ng'akimanyi nti ekiragiro kyali kinene; naye, ng'alina obukakafu yali tayinza kuba mutiitiizi. Yandibadde nga bwe twandikiyise, atefiirayo, kasita yaba nga asongeddwa mu kkubo ettuufu. Ayinza okumenyeka ng'atuuse ku lusozi oluyinza okumuzza emabega, naye yakulemberwa mu kkubo ettuufu.

Bwe kityo n'Ekkansa ya Katonda omulamu bayinza okuba abateefiirayo nga tebalina kye batya kyonna, mu kukkiriza, bwe tuba nga tusongeddwa mu kkubo ettuufu. Kubanga, Yagamba nti, "Nga bwe Nnali ne Musa, Nnaabeeranga naawe. Ssirikuleka so ssirikwabulira." Teyayabolirako Musa. Teyayiwa ko Musa. Tajja kuyiwa Yoswa. Tajja kutuyiwa. Ajja kuberenga naffe.

24 Era nga bwe tulaba Yoswa okutwala omulimu guno, ng'akimanyi nti obuvunaanyizibwa bwali bwa kubakulembera kubayisa mu nsi ezenjawulo, kaakati, nti kyamwetaagisa okubeera ng'ayita mu mawanga amalala. Nga kimwetaagisa okusimba obwakabaka bwabwe. Nga kimwetaagisa okubagabanyizaamu obusika. Yamanya nti omulimu gwali gwa kitalo, okusinga musa bye yali akoze. Yoswa eby'okukola bye yalina byali bisinga ebya Musa bye yakola.

Ekirala, yali wa kubakulembera nga bayitira ku nsalosalo, mu makkati ga baganda baabwe. Era baali bamaze okulega ku musaayi. Yalina okubawangula. Yalina okubasirisa nga bwe bagenda bakumba.

N'olwekyo bwe kityo bwe kiri n'ekibiina kya Pentekoste ekipya ekiri mu kusituka kaakano, baleze ku by'ekinnaddiini. Kikalubo nnyo okubakuumirawo wansi.

25 Emayaka mitono egiyise emabega, baagamba nti, "Jangu, Ow'oluganda Branham," obuwereza buno nga bwakatandika, "tujja kutandikawo ekibiina, tubeeko we tukuzimbira ekijjukizo." Sinoonya kijjukizo.

Nnoonya Kujja kwa Mukama.

Baagunjawo akadiini, akayitibwa "enkuba eya ttoggo," ne bagenda mu Canada, ne bagenda ne mu California, naye kyagwa butaka. Okiraba bulabi nti, tekisobola kweyongerayo. Lwaki kyali bwe kityo? Kye bamanyi kiri kimu kyokka; baava mu ebyo ebintu, kale baabikwatako katono. Balina okubaako n'ekintu kye bakola.

Ow'oluganda, Ekkanisa eya nnamaddala eya Katonda omulamu terina nkula, terina bikwate. Ekulemberwa maanyi ga Katonda agali mu buli mutima gwa muntu ssekkinnomu. Kyalirako ku baganda bo. Tokaayana nabo. "Bali tubasingako. Tokaayana nabo. Yitayo kko buyisi.

26 Njagala mwekkaanye ekintu ekinene ekyali wano. Waaliwo Esawo, Mowaabu, n'abo be twasonzeeko, akawungeezi ka jjo. Bangi ku bantu abo, bangi ku bo mu butuufu bakkiriza abo abaakoma obukomi ku nsalosalo. Baatuukira ddala ku nsalo.

Oh, nnina okuyimirirako katono wano, tekijja kuntwalira kusukka ku ddakiika emu. Abantu bangi ensi ensuubize bagibala okuba nti gy'emyaka olukumi. Si bwe kiri. Ensi ensuubize mwalimu entalo n'okutta. Emysaka olukumi temugenda kubaamu ntalo wadde okutta. Kisonga ku Mwoyo Omutukuvu, eddwaniro.

Okuggyibwako omusango; baava e Misiri. Waliwo emitendera esatu eg'yolugendo lwabwe. Baava e Misiri, wansi w'okuggyibwako omusango, nga bakkiriza Ekigambo. Baayawukana ku Bamisiri ne bafuluma. Baasomoka Ennyanja Emmyyuufu ne batta ebintu ebyabali emabega nga okwo kwe kwali okutukuzibwa okuyita mu Musaayi, ekyo kittta okwegomba ekibi kwonna okw'obuntu; omutendera ogw'okubiri ogw'olugendo. Naye omutendera ogw'okusatu gwaliwo bwe baasomoka Yoludaani, okutuuka mu nsi ensuubize omwali obusika bwabwe. Obusika bwabwe tebwaliko Misiri, newankubadde Katonda e Misiri Yabaweerayo omukisa.

27 Mmwe Abaluzeraani abakkiririza mu kuggyibwako omusango; obusika bwammwe tebuli awo, bw'oba wayitibwa. Bw'oba oli mu Luzeraani kyokka, awo w'olikoma.

Mmwe Abamesodisiti n'Abanazarene, n'aba Pilgrim Holiness, n'aba Church of God, abakkiririza mu kutukuzibwa, okutta obubi obuli mu ggwe, okuggyamu emirandira gy'ekibi, muli b'emitala wa mugga.

Naye eri mmwe abasajja n'abakazi abalimu ekintu mu mmwe, nga kiyitayo, obuziba nga bukoowoola Obuziba, wakyaliyo Yolundaani ey'okusomoka, n'ensi emitala w'omugga.

Yagamba nti, "Mugenda kuyita awali baganda bammwe. Mugenda kuyita mu baganda bammwe, era bali kumpi n'ensalosalo. Era bwe mubayitako, temubagamba kintu kyonna. Esawo mmuwadde olusozi luno. Mowaabu mmuwadde lino eggwanga. Era ssaagala mukaayane nabo, okubasendasenda bakyuke. Mubayitemu buyisi kimpowooze. Mumanyi gye mulaga. Temukwata mize gyabwe."

28 Mowaabu yalina nnabbi ow'obulimba, omulabirizi eyali ayitibwa Balamu, eyajja emmanga eyo n'ayingira mu kibiina, n'agezaako okubaleetera okwekolamu ekibiina, era bona ne bakunjaana wamu, kubanga baali baluganda. Naye tebaali. Baali bakyotala, so si baluganda bennyini. Bwe kiba nti mu mitima gyammwe...

"Leka kuba na butakkiriziganya naye. Genda bugenzi mu maaso. Ggwe muleke yakka. Sasulira by'oweebwa, bw'oba olina okuyita mu ggwanga lye." Yayawulibwa dda okukola ekyo. Katonda singa Yasuubira ova singa Yategeka dda Mowaabu okwegatta ne Israeri, bandibadde beegatta. Singa Yategeka dda Esawo okugenda ne Israeri, Esawu yandibuuse n'ayingira munda ne bagenda. Naye Yamuwa obusika bwe ku ludda luli emitala w'omugga.

29 N'olwekyo oyinza otya okusobozesa Abaluzeraani bona okukiraba, ova Ababaputisti bona okukiraba, ova Abapulesibiteriyani, Abanazarene, n'aba Pilgrim Holiness? Tobasalira musango. Ebyo byokka bye bamanyi. Ebyo byokka bye bibalimu.

Naye eri ggwe akkiriza, (Ayi Katonda!), eri ggwe amanyi, eri ggwe aliko ky'olina mu ggwe, ekyo ekiyita Obuziba. Oba obuziba bwonna bw'olina bumatziddwa, awo sigala w'oli. Naye nze n'ennyumba yange, nze waliwo ekintu ekisukka ku kye tulabye. Waliyo ensi erudda eyo emitala w'omugga awantu awamu. Wakyaliwo obuziba obukowoola Obuziba. Siyinza kumatizibwa kusomerera bya ddiini. Siyinza kumatizibwa na kkanisa nnungi. Siyinza kumatizibwa na lukunjaana lwa njiri olulungi. Siyinza kumatizibwa na kusaba kulimu kuwonyezebwa kutono. Waliwo ekisukka awo, ekiyita.

30 N'olwekyo, mubiveeko. Muyiteemu buyisi. Temuwakana nabo. Naye tuyita buyisi tugenda mu Nsi ndala. Tebaategekebwa kugenda nammwe. Tebagenda kutambula nammwe. Ababiri bayinza batya okutambulira awamu nga tebakkiriziganyizza? Naye abo abaagala Katonda, eri abo Katonda be Yayita. Kale, bagamba nti, "Katonda Yatuwa ekkanisa eno."

Ekyo bwe kiri. Katonda Yagamba nti, "Esawo Nnamuwa olusozi luno. Temumukwatako. Naye mmwe Nnina eky'enjawulo ekyammwe. Musomoke." Amiina.

Okwo kwe kuyaayaana kwange, ab'oluganda, okulaba nti ekkanisa yange esomoka eyingire mu Nsi endala, okuyaayaana okulaba okugenda ku ludda luli olulala. Mu ggwe bwe muba mulimu ekintu, *muno*, ekisooka, okuyita, mujja kubaamu Ekintu ekyanukula okuyita okwo. Okuwummula n'olunda obulunzi endiga tekikumala. Okugenda obeecko omulimu gw'okola, tekikumala. Okwegatta obwegassi ku kkanisa erinnya lyo ne liwandiikibwa mu kitabo, tekikumala. Kubanga, waliwo ekintu ekiyitibwa, eri wonna emitala w'ensozi, emitala w'olusozi oluddako ne wonna emitala wa Yoludaani, oktuusa lw'ogwa mu mikono gya Katonda, emitala, obuziba nga bukoowoola Obuziba.

31 Yoswa yamanya nti omulimu guno gwali gwa kitalo. Ekyo okyekkaanyizza awo? "Nze..." Yoswa bwe yatandika okusomoka Yoludaani, engeri Yoswa gye yajjukiramu okutumibwa kwe! "Ekitabo kino eky'amateeka, Ekigambo Kyange, tekivanga mu kamwa ko," Amakulu nti, "Yoswa, sifaayo ekika ne bwe kyogera ki, omubuulizi oli omulala biki by'ayogera. Sigala n'Ekigambo kino, olwo amakubo go gajja kukulaakulana. Sinsonga ne bwe bakola ebantu ebinene okwenkana wa, n'ebibiina bimeka bye bakola, ggwe sigala na Kigambo, Yoswa." Oh, owange! "Sigala n'Ekigambo, Ekigambo kino. Ekigambo kino tekiivenga mu kamwa ko." Leka nziremu nkisome.

*Okuddamu amaanyi n'okuguma ennyo omwoyo, okwekuumanga okukolanga ng'amateeka gonna bwe gali, Musa, omuweereza wange, ge yakulagira: tokyamanga okugaleka ku mukono ogwa ddyo newankubadde ogwa kkono, olyoke oweebwenga omukisa buli gy'onoogendanga yonna*

32 Ekigambo bwe kigamba nti, "Kola ekintu gundi," kikole. Sifaayo kiki ekibiina kye kigamba. Kikole, mu buli ngeri. Oyo ye Yoswa Katonda gw'Alinze. Tokyukako wadde yinki emu, wadde akatonnyeze akamu. Beerera ddala na Kigambo.

*...tokyamanga okugaleka ku mukono ogwa ddyo...newankubadde ogwa kkono, olyoke oweebwenga omukisa...*

Oh, mulowooza nti mukulaakulana nga muzimba amakanisa amanene, okufuna omutwalo omulamba okwetyongera ku kibiina kyammwe eky'eddiini. Okwo si kukulaakulana. Ekyo tekikusembeza wadde eddaala erimu ku kisuubizo. Kye twetaaga okusinga ye Katonda, okusinga twetaaga Omwoyo Omutukuvu.

*...olyoke oweebwenga omukisa buli gy'onoogendanga yonna.*

*Ekitabo kino eky'amateeka tekiivenga mu mukono gwo oba mu kamwa ko; naye onookirowooyangamu emisana n'ekiro,...*

Bw'oba olina ky'olowooza okukola, okyesigamya ku Kigambo kya Katonda okukikola? By'oyaayaanira biri mu Kigambo? By'obuulira ye Baibuli? Oli ng'abasinga obungi ennaku zino, era abayitirivu obungi, "Nga Bayigiriza amateeka g'abantu nga by'ebiragiyo bya Katonda"?

33 *Ekitabo kino eky'amateeka tekiivenga mu mukono gwo oba mu kamwa ko;...*

"Akamwa ko," ky'oyogera. Tokisoma busomi otambule oveewo. Kyogere. Kitambuliremu. Kiyigirize.

*...naye onookirowoolezangamu emisana n'ekiro, naye onookirowoolezangamu emisana n'ekiro, olyoke weekuumenga okukola nga byonna bwe biri ebiwandiikkidwaamu:...*

Olabo Yoswa w'olwaleero ky'agenda okuba? Olabo Yoswa w'Ekkanisa ey'omwoyo ky'agenda okuba? Kika ky'ekimu ekya Yoswa gwe baalina mu kkanisa ey'omubiri. Ekkanisa ey'omwoyo eteekwa okuba ekintu ky'ekimu.

Baibuli oba egamba nti, "Okuggyako nga omuntu azaaliddwa omulundi ogw'okubiri, tasobola kulaba bwakabaka bwa Katonda," Yoswa ow'omwoyo ajja kuddamu nti, "Amiina."

Baibuli oba egamba nti, "Yesu Kristo ye omu jjo, leero n'emirembe gyonna," Yoswa ow'omwoyo ajja kwogera ekintu ky'ekimu. Ye omu.

Baibuli oba egamba nti, Ekitabo, Ekigambo kigamba nti, "Mulinde mu kibuga Yerusaalemi okutuusa nga muweereddwa amaanyi okuva Waggulu. Nga Omwoyo ono Omutukuvu amaze okujja ku mmwe, awo mulibeera bajulirwa Bange," Yoswa ow'omu mwoyo ayogera ekintu ky'ekimu.

34 Nga Peetero ku lunaku Iwa Pentekoote, bwe yagamba nti, "Mwenenye mubatizibwe, buli omu mu mmwe, mu Linnya lya Yesu Kristo olw'okuggyibwako ebibi byammwe, mujja kufuna ekirabo eky'Omwoyo Omutukuvu," Yoswa ow'omwoyo tagenda kwawukanako wadde akatonnyeze akamu, wabula ajja kukola ekyo kyennyni Ekigambo kye kigamba.

Oba Makko 16 kigamba nti, "Mugende mu mawanga gonna, mubuulire Enjiri. Akkiriza n'abatizibwa alirokoka; atakkiriza omusango gulimusinga. Obubonero buno bunaagendanga n'abo abakkiriza: mu Linnya Lyange banaagobanga emizimu; banaayogeranga mu nnimi empya; banaakwatanga emisota; bwe

banaanywanga ebitta, tebiibakolenga bubi; bwe banaatekanga emikono ku balwadde, banaawonanga," Yoswa ow'omwoyo ajja kwogeranga ekintu ky'ekimu. Ajja kulowoozanga ku ekyo emisana n'ekiro, okukola okukulaakulana.

35 Njagala mwekkaanye ebyaliwo. Yoswa, bwe yakola okubuulira kwe okwasooka, omulundi gwe ogwasooka okukakasa nti ye yali Yoswa yennyini. Israeri yali eteekeddwa ekyo ekimanye.

Tewali kubuuusabuusa ababuulizi bo baalina endowooza ya njawulo. Baagamba nti, "Kaakati tujja kusiisiira busiisiizi wano okutuusa mu kiseera ky'obunnyogovu oba mu kiseera ky'omusana, Yoludaani nga gukendedde."

Kale kiringa Katonda Eyateeka ekintu ekisingayo okuba eky'obusiru mu maaso ga Yoswa ow'omu mwoyo.

N'amuleeta wano mu mwezi gwa Apuli, nga Yoludaani gweyondeko emirundi esatu oba ena ku ssayizi yaagwo. Yali Amugezesu okulaba oba nga ddala ye yali Yoswa.

Leka buli kintu kyonna kigende bubi. Leka abalala bona bakulaakulane. Leka ensobi zikulaakulane. Leka abasajja "abalina ekifaananyi eky'okutya katonda, naye nga beegaana amaanyi gaakwo," bakulaakulane, bakutulugunye. Naye singa onoomanya w'oyimiridde, ojja kuyimirira. Si nsonga, ensi yonna ne bw'enaakuyiwa, era ojja kuyimirira ky'ekimu. Togenda kwawukana ku Kigambo ekyo.

36 Yoludaani gwali gweyongedde emirundi esatu oba ena ssayizi yaagwo; nga mubi nnyo, gutiisa, nga gujjudde ebitosi. Naye Yoswa n'agamba nti, "Katonda Yagamba nti, 'mu nnaku ssatu,' tugenda kusomoka. kale tugenda kusomoka."

Kaakati ababuulizi bandigambye nti, "Kaakati Yoswa, sooka olindeko. Tuli bantu abayivu. Tuli bagezi. Bangi ku ffe tuli bayinginiya okuva e Misiri. Bino ebintu tumanyi engeri y'okubikolamu, n'olwekyo tujja kujira tulindako okutuusa nga omugga gukendeddeko, awo tulyoke tugusomoke. Si kyangu ekyo okusingawo?"

"Sifaayo kiki ky'olwooza. Katonda Yagamba nti 'ennaku ssatu' tugenda kusomoka era tugenda kusomoka. Mu nnaku ssatu tugenda kusomoka."

Weetegereze Yoswa bye yakola. Kiki kye yakulembeza, Omubuulizi? Nedda ssebo. Yakulembeza Kigambo. Yagamba nti, "Mutwale essanduuko eyo. Era mmwe bakabona mwenna temugibeera kumpi. Mube mabega waayo. Temugezaako okugikulembera. Mugireke yo ebabeere mu maaso."

37 Obwo bwe buzibu obuliwo ennaku zino. Tugezaako kubeera mu maaso ga Kigambo, ne tuyitawo, ne tuddira Ekigambo Kyo kye kiba kija mu *kino*, Ekigambo kye kiba kija mu *kiri*. Mukama Awe emitima gyammwe. Kye twetaaga olwaleero, kwe, kugoberera Ekigambo.

Ekigambo kye kyakulemberanga. Bwe kyatuuka ku Yoludaani, yaggulawo ne basomoka. Kampeyini ye eyasooka, ebintu ebisooka bye yasoosa. Yalina ensonga olw'ekyo. Yalina ensonga, kubanga Katonda Yali Amutumye nti, "Tova wali Kigambo. Leka Ekigambo ky'ekiba kikikola." Buli kampeyini, Iwe baagenda mu lutalo, kubanga Katonda Yali Amulagidde okukulembezanga essanduuko.

Essanduuko bwe yasookangayo mu maaso, kiki ekyaddiriranga? Okuyimba, abakubi b'ebivuga, ng'okulwana tekunnatandika. Aleruuya!

Eyo kye twetaaga mu nnaku zino, kye tulina enkye ya leero: abayimbi, ebivuga, okukuba ennyimba, okusanyuka. Awo sookawo Ekigambo, soma Ekigambo. Olwo olutalo lulyoke lutandike. Tuba baakuwangula, tuteekwa buteekwa okuwangula. Beerera ddala nakyo, tova we kisonze, Nakyo kijja kukukuma mu ssaawa y'ekizibu.

38 Yalina ensonga ennungi eyo... kaakati, mujukire, bwe yasomoka nga tannaba kusomoka, yatumayo omukessi, babiri, ensi okugyetegereza. Kaakati, Musa yali atumye ekibiina kiramba emitala, naye bona baakomawo nga batabuddwa. Mwetegereze obuweereza obupya. Ye ekyo teyakikola. Amanyi nti, bw'oba olina endowooza lukumi-mu-bitano nga buli emu ya njawulo, oba olina okutabulwatabulwa kwa mirundi lukumi-mu-bitano. Naye ye yatumayo babiri. N'agamba nti, "Mugendeeyo. Mukette ensi."

Kaakati twagala tugende ku kintu kye ssaagala musubwe. Yagamba nti, "Kaakati, bwe muba musomoka..." Baagenda okulengera ensi, okulaba oba nga ebisuubizo byali bituufu, balabe yali nsi ya kika ki, na ngeri ki gye balina okuyingiramu. Baasomoka. Amannya g'abakessi tegaaweebwa. Naye bwe baayingira ensi. Baatuuka e Yeriko. Kale bwe baatuuka e Yeriko, biki ebyaddirira? Baasanga malaaya, omukazi ow'empisa embi.

39 Njagala nkube ekifaananyi. Mpozzi oba si kituufu, naye njagala nkyeyambise okubaako kye ndaga. Lakabu tetumulinaako byafaayo. Tumanyi nti yali malaaya. Ka tukitwale nti yakuzibwa mu maka amaavu, ddala n'afuuka ow'empisa embi. Era mukazi muvubuka omulungi. Yagenda mu nguudo, okufunira nnyina

omulema ne kitaawe eky'okubabeezaawo; nga talina ngeri ye okukola, okuggyako okwetunda. Naye muli nkuba akafaananyi, ebbanga lyonna, yamanya nga ekyo kyalinga kikyamu. Munda mu ye yalinamu ekintu, ekyamugamba nti, "Ekyo si kituufu ky'okola." Yamanya nga tekyali kituufu.

Lwali lumu yawulira nti waaliwo Katonda eyali Atambula. Omutima gwe ne gutandika okukankana. N'asanga omubaka eyali ava ku mugendo ogwo, eyamugamba kiki ekyali kigenda okubeerawo. Omukazi yagamba ki? Kaakati, Yoswa yalina obubonero. Yoswa yalina obubonero bwe bumu ddala Musa nga bwe yalina. Kale bw'o...Lakabu teyasaba kulaba bubonero bwa Yoswa. Yawulira buwulizi.

Ekifaananyi ky'Ekkanisa, ekifaananyi ky'Ekkanisa entuufu eyayingizibwa mu bwa malaaya. "Ndi Mumesodisiti olwaleero, enkyo Mubaputisiti, oluddako Mupulesibeteriyani," n'ayingizibwa mu bwa malaaya.

40 Naye, mbagirawo, ne wayingirawo omubuuilizi omuto mu kibuga n'agamba nti, "Waliwo Katonda Omulamu, eyaliwo jjo, era y'omu olwaleero. Amaanyi Ge gakyali ge gamu. Akola emirimu gy'egimu gye Yakolanga ng'Ali wano ku nsi." Ababaka Be bali ku luguudo.

Kaakati, Lakabu malaaya, eyali amanyiddwa nga malaaya, yali kifaananyi eky'omukkiriza olwaleero, omukkiriza owannamaddala. Teyagamba nti, "Kaakati mpulira nti-nti Yoswa asobola okukola obubonero, kubanga ye musika wa Musa. Nnandyagadde okulaba ku bubonero obwo. Era singa ndaba ku bubonero obwo, awo nja kubukkiriza." Kale, tekyamukakatako kulagira ddala bubonero obwo, kubanga mu buli ngeri yabukkiriza. Teyali Tomasi. Yabukkiriza.

41 Kaakati, Musa, bwe yalina obubonero, yaserengeta eyo n'akola obubonero obwo, naye akabonero si ky'ekintu ekyabatwala mu nsi ensuubize. Tekyali ekyo. Obubonero kwe kwali okukakasibwa kw'okutumibwa.

Era Lakabu yakikkiriza, nga talina ky'alabye kyonna. Yagamba nti, "Ffenna tukankana."

Nikodemus kye yava agamba nti, "Labbi, tumanyi nga Oli Muyigiriza eyava ewa Katonda, tewali muntu asobola kukola bintu bino okuggyako nga Katonda ali Naye. Fenna tukimanyi."

Ensi ekimanyi, olwaleero, Billy Graham akoowoola nti, "Tulina okuddayo ku Pentekoote." Ekibiina Ekgatta amakanisa kikoowoola nti, "Tulina okuddayo eri bannabbi, eri okwogera n'ennimi, okuvvuunula ennimi, eri okuwonyezebwa kw'Obwakatonda, mu makanisa gaffe okubaamu abawonya, okuleka Omwoyo wa Katonda Akole nga bw'Ayagala." Katonda Ayita. Eby'okutya Katonda abantu babitiira ddala, nga bagamba nti, "Buli kimu, emitima gyaffe gitutyemuse munda yaffe."

42 Kaakati, tekyamwetaagisa kulaba kabonero Yoswa k'ayinza kukola na mukono gwe oba na muggo. Yakkiriza. Yagamba nti, "Nnawulira, ne nzikiriza. Kale kaakati nsaba okusaasirwa." Oh, wano nga tuyinza okussaawo essomo. "Nsaba kusaasirwa, nze n'ennyumba yange."

Laba Omuruumi akawungeezi ako, eyasika ekitala kye, era nga yali agenda kwetta, omusikale w'ekkomera Omufiri. Pawulo n'agamba nti, "Teweekola kabi konna. Fenna weetuli wano."

N'agamba nti, "Nkole ntya okulokolebwa?"

N'amugamba nti, "Kkiriza Yesu Kristo, ggwe n'ennyumba yo munaalokolebwa."

Lwaki? Ggwe n'ennyumba yo. "Mazima ddala ennyumba yo naawe mujja kulokolebwa. Lwaki? Bw'oba olina okukkiriza okumala ggwe okulokolebwa, osobola okuba n'okukkiriza okumala olw'ennyumba yo okulokolebwa. Yee. "Ggwe n'ennyumba yo."

43 Tunuulira Lakabu, Lakabu yagamba nti, "Munsaasire. Muntalize. Ssaagala kufa na bano abatakkiriza. Ssaagala kufa nga ensolo. Njagala kufiira mu mikono gya Yakuwa. Nzirkiriza Katonda wammwe, kubanga ye Katonda w'Eggulu n'ensi. Akola ebintu ebirabika. Akola ebintu ebyannamaddala. simulabangako ng'Abikola, naye mmala gabikkiriza." Olaba? Yali talabanga ku Yoswa. Yawulira buwulizi ku Yoswa. Yali talabanga ku Katonda. Yali talabanga ku mulimu gwa Katonda gwonna. Yawulira buwulizi. Abalala baali bagirabyeko, ye yakkiriza bukkiriza ng'awulidde. Kaakati, n'agamba nti, "Njagala nfune okuganja nze, ne kitange ne mmange. Bombi bakaddiye ate bagongobavu. Nninawo baganda bange abamu. Njagala mbe n'okukkiriza ku lwabwe."

Kale omukessi, omubuuilizi, n'agamba nti, "Yee, ajja agenda kuyita wano, era ensi tugenda kugitwala. Kaakati oba oyagala balokolebwe, bayingize mu nnyumba." Aleruuya! "Bw'oba okikkiriza, genda obaleete wano obayingize, kubanga ffe tetulivunaanyizibwa bwe baliba mu nguudo. Naye bw'olibayingiza mu nnyumba, ffe tuliba tuvunaanyizibwa," Aleruuya, akawero ako akamyufu we kaali kagenda okuteekebwa ku ddirisa. "Bw'olitateeka mu nnyumba awo ffe tuliba tuvunaanyizibwa."

44 Oh, ab'oluganda, oba waali wabaddewo ekiseera we tulina okuteeka abagaalwa baffe mu Nnyumba, Iwe Iwaleero, Ennyumba ey'Okukkiriza. Bayingize, kubanga ekiseera kijja Iwe wagenda okubaawo okunyeenya. Bakitaffe ne bannyaffe, baganda baffe ne bannyinaffe, we balina wokka obukuumi, mu

Nnyumba, kubanga amaanyi ga Katonda gagenda kuddamu okunyeenya eggwanga nate. Era bwe kiri. Era Ennyumba y'okukkiriza yokka y'ejja okulokolebwa.

"Kaakati, n'agamba nti, "Tegugenda kuba musango gwange okuggyako nga obayingizza mu nnyumba." Era n'abalayiza nti tebalimuzikiriza ye oba ennyumba ye. N'agamba nti, "Bw'olibayingiza, balibaako obukumi. Yabaggyawo, ne bagenda.

45 Malaaya ono omukulu, Lakabu, yafuuka omukkiriza. Nnasoma ebyafaayo bye, wano gye buvuddeko. Bwe yamala okubalibwa n'ayingizibwa mu kukkiriza, olw'okukkiriza kwe mu Katonda, yayingizibwa mu kukkiriza kwa Israeri, akyusiddwa okuva mu nzikiriza emu okudda mu ndala. Yasendasenda omuduumizi mu magye, amagye aga Israeri. Labayo Katonda bye Yakolera omukazi oyo. Kale baalina...Baagenda e Beserekemu, era baalina omwana omulenzi; era omwana ono, nga bamuyita Bowaazi. Mu Bowaazi mwavaamu, yawasa Luusi, mu Luusi ne Bowaazi mwe mwava Yes; mu Yes mwe mwava Dawudi; mu Dawudi mwe mwava Yesu. Aleruuya!

Lwaki? "Okukkiriza kuva mu kuwulira, okuwulira Katonda oyo Katonda ow'e Ggulu n'ensi, n'okumukkiriza Ye." Okukkiriza ki? Okutumibwa Katonda kwe Yali Awadde omusajja ayitibwa Yoswa, okukkiriza okutumibwa okwo.

46 Yoswa yalina okukkiriza mu kutumibwa kwe, nga Musa bwe yalina okukkiriza. Ebintu Musa byamwonoonekera, ne kirabika nga eyalemwa emirundi emingi, naye yakiyitamu mu buwanguzi era n'afiira ku Lwazi. Bamalayika be baamuggyawo.

Ayi Katonda, kkiriza njende bwe ntyo. Leka nnyweeze okutumibwa kwange, luliba lumu, nga nneetegese okufa, ndabe Olwazi nga luli awo nange. Yoswa akuumye okutumibwa kwe. Newankubadde yalina...Katonda Alikitwala nga kitukuvu, kubanga teyava ku Kigambo n'akatono.

Kaakati, Lakabu yamanya nti Yoswa yalina okutumibwa kuno. Kaakati kino tekikuyitako. Nyweza ebintu ebyo mu mutima gwo. Yoswa yalina okutumibwa; Lakabu yakwekkaanya nga tannaba na kulaba kintu kyonna. Yamanya nti Yoswa yalina Amaanyi ga Katonda agaali gagenda okuwamba ensi. Yasaba okusaasirwa. Katonda n'Amuwa ekisa. Awo Yoswa bwe yajja mu nsi, ddala, nga bwe tumanyi omukazi yatalizibwa.

47 Naye ate omulimu omulala Yoswa gwe yalina, gwali gwa kugabanyaamu nsi mu bantu.

Kaakati mujjukire nti, "Ekitabo kino eky'amateeka tekiivenga mu kamwa ko," kubanga yalina Ekigambo kya Katonda." Nga bwe nnali ne Musa, genda bugenzi mu maaso. Nga bwe nnali ne Musa, bwe ntyo nnaabeeranga naawe. Ssirikuyiwa. Ggwe oyinza okunjiwa, naye Nze ssirikuyiwa. Naye ggwe bw'olinjiwa, ekisa Kyange kimala, Ndikusitula ne nkuweeka. Ggwe genda bugenzi mu maaso. Kasita oba nga tovudde ku Kigambo Kyange, Njanga kukulabirira."

48 Kaakati yalina okugabanyaamu ensi, era waaliwo ebika kkumi-na-bibiri be yalina okugigabanyaamu. Kati watya singa yalinamu obutali bwenkanya? Kati watya singa yali ayagala ekika kya Gaadi okusinga ekyo Efulayimu? Ekika kya Yusufu okusinga ekyo Yuda? Naye teyabikola bw'atyo. Yagigabanyaamu kusinziira ku Kigambo ekyabikkulwa Omwoyo. Yagigabanyaamu okusinziira ku bika. Era, genderera, yakikola nga asinziira ku kubikkulwa, Iwa kutegeera bya buziba ebitalabika na maaso. Kusinziira ku kutegeera bya buziba nga ayambibwako Mwoyo wa Katonda, yakikola. Buli omu ku bannakazadde abo Abaebbulaniya okuzaala abaana abo, baayogera amannya gaabwe. Era buli limu ku mannya gaabwe lirina amakulu.

Yakobo, bwe yazaalibwa, nga bwe yali omulongo, yamuyita "mukumpanya," *Yakobo*. Naye bwe yafuna amaanyi ge agawangula, n'ameggana ne Malayika, Katonda Yakyusa erinnya lye okuva ku Yakobo ne liba *Israeri*, "omulangira."

Erinnya lirina kye likola ku bulamu bwo. Peetero, omuvubi, bwe yawangula, olw'okukkiriza kwe mu Yesu, yagamba nti, "Erinnya lyo ggwe Simooni. Naye njenda kukuyita Peetero, nga litegeeza, 'olwazi.'" Likukyusa. Erinnya lyo lirinako akakwate, n'ekifo kyo mu bulamu bwo.

49 Ekintu kino ekinene bwe kyagwawo, buli omu ku bannakazadde bano Abaebbulaniya, nga bali mu kusinda balumwa okuzaala, baakowoola okugeza nga "Lawubeeni," ekyo kyamuteeka mu kifo Palestine, ddala nga nnyina bwe yayogera, n'amutuumma erinnya lye, n'alyogera. Ssibiwandiise wano byonna. Naye, yagamba nti, *Lawubeeni* litegeeza, "mulunzi wa ndiga." Gaadi litegeeza, "mulunzi wa ante." Ne *Efulayimu* litegeeza "mulimi wa kasooli."

Kaakati, okuyita mu kutegeera eby'obuziba ebitalabika na maaso, Yoswa, omukulembeze omupya, okuyita mu kutegeera eby'obuziba ebitalabika na maaso, yateeka buli omu mu kifo kye, n'agabanyaamu ensi mu ngeri yennyini entuufu.

50 Ekifaananyi ekirungi ddala olwaleero, ku ekyo Iwaki twetaaga Yoswa, olwaleero. Obuzibu obuliwo

leero, bwe tutuuka mu nsi yaffe ensuubize, Gaadi ayagala kulunda ndiga nga Efulayimu, omu ayagala akole ekintu okufaanana nga omulala. Buli muntu ayagala abeere ky'ekimu. Leka Katonda Abeeko gw'Awa ekirabo ky'okuwonya, buli omu aba ayagala kirabo kya kuwonya. Efulayimu ne Gaadi n'abalala bonna, baagala kwegattika, bonna bajje mu kimu. Naye twagabanyizibamu, mu bifo byaffe. Ssi bona nti balina ekirabo eky'amagezi. Ssi bona nti bawa obunnabbi. Ssi bona nti boogera mu nnimi. Ssi bona nti bannabbi. "Naye Katonda Ataddewo mu kkanisa, abamu abalagula, abamu aboogera ne nnimi." Twagala bona tuboogeze enni. Olaba okutabuka okubeerawo? Awo nno kaakati toyinza kutuuka wantu wonna. Kale, Abafirisuuti bandibasudde, mu kaseera katono. Ddala. Naye awo buli muntu, olw'omukulembeze, bwe yabaawulanga okuyita mu kutegeera eby'obuziba ebitalabika na maaso n'abateeka mu mubiri, awo we baasigala ne bafuuka olububi lw'ensi.

Katonda, tukusaba Otuwe Yoswa. Katonda tukomezeewo Yoswa anaanyweza omulimu n'Ekgambo.

Eyo y'engeri Katonda gye Yamugambamu. "Ekitabo kino eky'amateeka tekiivenga mu kamwa ko, kubanga onookirowoozangako emisana n'ekiro," Kubanga yalina omulimu mu maaso ge.

51 Kaakati, nga Yoswa yafuuka mukulembeze wa kitalo, ataawangulwako mu latalo Iwe yalwana okuggyako bwe waabangawo ekintu ekikyamu mu kkanisa. Akani bwe yatwala olulimi, teyali ssaayizi ya Yoswa, okukkiriza kwe kwakikola. Kyali nti, yatwala ekyambalo kya Babulooni n'olumi olwa zaabu, ebweru w'olusiisiira. Bwe yakikola, kyalemesa olutalo lwonna.

Mmembra omu abonaabona; bammembra bona babonaabona. Katonda ky'Agendako, mu lumu ku nnaku zino, owoluganda, y'ekkanisa etalina bbala wadde olufunyiro. Ajja eri Ekkanisa ejjudde Omwoyo, okwo Okwagala Okw'obwakatonda okwa Katonda, kugasse wamu nnyo emitima gyabwe, nti bajja kutambula nga bali bumu.

52 Olatalo, olw'akavuyo kano konna, luteekwa okuwangulwa. Omumuesodisiti mutuufu, Omubaputisiti mutuufu, Omupulesibeteriyani, Omupentekoote, Omunazaleni, owa Pilgrim Holiness? Ebibiina by'amadiini amagunje Iwenda-mu-nkaaga-mu-mwenda eby'enjawulo, nga tobaze ba Buddha na bali, n'abalalabonna. Tuli iudda wa? Waliwo ekitali kituufu. Mu lusiisira waliwo awali olulimi. Yoswa yakubisa akalulu.

Leka njogere kino, enkya ya leero, nga Eriya bwe yakola ku Lusozi Kalumeeri. "Oba Katonda ye Katonda, leka Ayanukule nga Katonda." Oba eddiini y'Ababaputisiti y'entuufu, leka tubalabe nga bavaamu obubonero bwa Yesu Kristo. Oba aba Nazaleni be batuufu, leka tulabe nga bavaamu akabonero, bakole ebintu bye Yakola. Oba Abapentekoote be batuufu, leka tubalabe nga bakola ebintu bye Yakola. Awo nno tujja kumanya.

53 Abayigirizwa ba-ba Yoswa baagamba nti, "Tujja kukugoberera kasita tunaalaba nga Katonda Akola naawe nga bwe Yakola ne Musa."

N'abayigirizwa ba Yesu bateekeddwa okugamba ekintu ky'ekimu. "Tujja kukola naawe bwe tunaalaba obubonero bwa Yesu Kristo nga bukola naawe. Tujja kukikola ekyo" Ekyo kye tuteekeddwa okukola. Ekyo ekkanisa ky'eteekeddwa okwogera. Eyo y'eteekeddwa okuba endowooza y'ekkanisa Enkristaayo. Awo mutebenkeze, ebirabo, obubonero, abakozi. Omuntu omu bw'aba asabira abalwadde ne bawona, oyo ayogera enni talina kakwate na kirabo kya bunnabbi. Mulaba? Mu buweereza buno tulinamu emitendera egyptenjawulo.

54 Kaakati, Katonda bwe Yampa okutumibwa kwange. Bino byonna mbitadde, emabega, Iwa kigendererwa kino kimu. "Ebirabo n'okuyitibwa tebyejjusibwa." Tewali muntu asobola kwekolera kintu kyonna. Katonda olw'ekisa Kye, y'Akufuala kiki ky'oli. Ffe tetulina ngeri ya kukikolamu. Yesu yagamba nti, "Ani, asobola okulowooza obulowooza ne yeeyongerako ku kigera kye? Ani asobola okwefuula omunene oba omutono, olw'okulowooza? Tosobola kukikola.

Katonda bwe Yaleeta okutumibwa, nnakubuuza. Nagamba nti, "Sseemaririra. Ssaasoma, bino ebintu sisobola kubikola."

Era bangi nnyo ku mmwe wano enkya ya leero, bakyasula wano olwaleero. Wano emmanga ku mugga bwe Yalabika, mu kifaananyi ekyo eky'Empagi y'Omuliyo, n'Ayimirira awo n'Ayogera. N'Agamba nti, "Nga Yokaana Omubatiza bwe yatumibwa n'asookayo, okukulembera Okujja kwa Kristo okwasooka, bwe butyo n'Obubaka bwo bugenda kukulembera Okujja kwa Yesu okw'okubiri."

55 Laba kye bukoze. Ekitangaala ekyo ekirengejjera awo, kyagenda mu mpapula z'amawulire, ne kibuna wonna mu America ne mu mawanga amalala.

Dokita Lee Vayle, eyali eyo, mu Canada mu kiseera ekyo. Ajjukira bwe kyalabikira mu lupapula Iw'amawulire mu Canada, nzikiriza bwe kyali. Si bwe kyali, Lee Vayle? Mu lupapula Iw'amawulire baagamba nti, "Ekitangaala ekitategeerekeka kirabikidde ku mutwe gw'omubuulizi ng'abatiza."

Olwo abantu ne bagamba nti, "Byamu bwongo."

Wabula Iwali lumu Katonda n'Asalawo okuyimiriza obumwa bw'abatakkiriza, kubanga Kyasigala na Kigambo. Empagi y'Omuliyo eyo y'emu eyakulembera abaana ba Israeri, y'emu olwaleero, y'ekulembera Ekkansa ey'omwoyo, y'emu eyabakulembera mu mubiri. Ezzeemu n'erabika ne bagikuba ebifaananyi mu maaso g'abakolokosi ne mu maaso g'abakuguabeekebejja. Eri wano kaakano erengejja, Mazima agatawakanyizika; ekola emirimu gye gimu, ekulembera abantu mu mwoyo, nga bwe Yabakulembera mu mubiri edda eyo, nga eri n'Ekgambo. Kaakati yayogera okutumibwa kiki kye kwali. Kaakati mujukire, Katonda taliyawukana ku kutuma Kwe.

56 Bwe...mba njagala mbakubire ekifaananyi kyakyo, Oba mu ngeri emu. Wano tujja kikitwala bwe tuti. Akabonero kaakano *wano*, okwo kwe kutumibwa. Kaakati, akasaalaba kaakano *wano*, mu nsonda emu; ne Baibuli, mu nsonda endala; naye wakati we wawandiikkidwa, *wano*, okwo kwe kutumibwa.

Mbakalaatira mu maaso ga Katonda ne Bamalayika abalonde ne Yesu Kristo. Omulimu gwali nti, "Sabiranga abalwadde."

Ekibuuzo kyali nti, "Sseemala kukikola."

"Wazaalibwa lwa mulimu guno, Gano ge makulu g'okuzaalibwa kwo n'obulamu bwo ebintu ebitali bya bulijjo, nti oli waakusabira abalwadde. Bw'onaabakkirizisanga, n'obeera mwesimbu ng'osabye, tewali kirikweikiikamu ng'osabye, newankubadde Kkookolo." Bameka ebyo abaabisomako, emyaka gye bimaze? [Ekibiina kiddamu nti, "Amiina"-Omuk.] Kyabuna wonna mu nsi.

57 Kaakati, kati nnagamba nti, "Sisobola kukikola, kubanga sseemala nze okukikola. Tebagenda kunzikiriza. Ndi mwavu. Ssaasoma." Oyo ye yali nze nga mbuuza.

N'Agamba nti, "Nga Musa bwe yaweebwa obuboero bubiri okukakasa okutumibwa kwe, naawe..." Si, nti oli." "Oweereddwa obubonero bubiri. Akamu ku bwo kajja kuba mu mukono gwo. Ate akalala kaliba nti onootgeeranga eby'obuziba bw'omu mitima gyabwe, ebirowoozo by'omu mitima gyabwe. Era olw'okino bajjanga kukkiriza, olw'obubonero buno obubiri." Kaakati mujukire...muwulirize. Kino kireme kubayitako. Akabonero si kwe kutumibwa. Akabonero kasonga busonzi ku kutumibwa.

Ova wano n'ogenda ku luguudo n'olaba akabonero, n'ogamba nti, "Ebulayo mmayiro ttaano okutuuka e Jeffersonville." Eyo si ye Jeffersonville. Ako kabonero bubonero okukulaga nti oli ku luguudo lutuufu.

58 Watya singa Musa, bwe yagenda emmanga eyo nga yalina akabonero, ng'alina omuggo n'omukono gwe; akabonero akali wano si kanjawulo nga akaali ne Musa. Watya singa Abaisraeri bona baagamba nti, "Mugambe nti, mmwe Abamisiri mwenna, mmwe Abaisraeri abasigaddewo mwenna, mujje eno. Tulina omusajja asobola okukola obukodyo ng'akozesa omukono gwe. Muteekeddwa okukiraba. Tulina omusajja ayinza okuddira omuggo n'agufuulamu omusota. Mujje, mukirabe"? Ako kaali kapande bupande. Okwo si kwe kwali okutumibwa. Baali tebalinda kapande. Katonda Otuyambe. Baali balinda kusumululwa.

Kale ensi eno, ennjongobavu, endwadde erinze okusumululwa, naye ate nga etunuulidde kapande. Otusaasire! Akapande si kintu wabula akabonero okukakasa okutumibwa. Buubwo obuweereza obupya. Bumbikkuliddwa. "Sabira abalwadde. Laba nti abantu bakukkiriza." Katonda ekyo tayinza kukivaako. Okwo kwe kutuma Kwe, si nsonga ne bwe kiba ki, ne bwe nnemwa okwenkana wa. Nnemererwa bubi nnyo. Nnali ssisaana kugenda mu maaso nabwo obubonero obwo. Bw'Atyo Katonda si bwe Yali Ayagala, wabula Katonda Amaze, gabuwa omukisa. Naye ndi mwetegefu okuleka olusozi luno. Njagala kusomoka Yoludaani, njagala okutambuza okutumibwa. "Laba nti abantu bakukkiriza."

Ne njamba nti, "Tebagenda kunzikiriza."

Wajja kwongewako obubonero bubiri."

59 Kaakati obuzibu obukiriko buli nti, tubaddenga tutunuulira kabonero. "Oh, Ow'oluganda Branham! Mulaba? Ggwe muteekeko omukono gwo, oh, oteekeddwa okulaba ebiddirira. Yimirira mu maaso ge ng'aliko amafuta, ajja kukubuulira buli kimu ekiri mu mutima gwo." Ekyo kituufu.

Nnayingira mu ddwaliro wano, jjuuzi. Waaliyo abasawo, baalemwa okuzuula ekyali kiruma omukazi. Abasawo bwe baava mu kasenge, omukazi n'akomawo. Era yali ayimiridde ku kitanda kye, nti, "Bagambye mbu nno babuliddwa ekintu kyonna, ekinnuma." N'agamba nti, "Ow'oluganda Branham, osobola okumbuulira."

Kko nze nti, "Bw'onanzikiririzaamu, nsobola."

N'agamba nti, "Nzikiriza."

Omwovo Omutukuvu n'Agamba nti, "Ekintu Gundi. Ky'ekyo. Kyennyini. Kaakati labayo oba si ky'ekyo." Asabira mu kkanisa ya Junie Cash.

60 Omukazi omulala eyo, n'agamba nti, "Omugongo gwange." Yagamba nti, "Balemeddwa okuzuula

obuzibu we bwava."

Ne mmubuuza nti, "Okkiriza nti ndi nnabbi We?"

N'addamu nti, "Nzikiriza."

Ne nziramu nti, "Biki ebyagwaawo, eri emabega mu mwezi gwa Jjuuni nga gwakatandika, ggwe...Babagezaako okukukolako, bali mu kugezaako okukulongoosa amagumba mu mugongo agaaseeseteuka. Si bwe kiri. Kasuwa akaafumitibwa, Wakafuna lwa kusitula bizito, ng'okolera mu katale ka McSpaddin.

N'agamba nti, "Nzijukira bwe kyagwawo. Kaakati nkijjukira."

Ekyo tekimuwnya. Ekyo kisonga busozi ku kutumibwa. Muve ku by'okwesigama ku kapande. Leka tugende mu kibuga. Luno olusozi tuluveeko. Ka tugende mu kibuga. Ka tusomoke Yoludaani.

61 Nkoze ensobi. Nsobezzaako. Y'ensonga Iwaki okubuulira kuno nkxesigamizza nga bwe nkikoze. Kubanga, Yagamba nti, "Nga bwe Nnali ne Musa, bwe ntyo Ndibeera naawe," era Omukono ogwo bwe gwajja ne gusonga ku Kyawandiikibwa kyennyini ky'ekimu. Mmaze ebbanga ggwanvu nga nneebuuza, kubanga ssaamanya kutumibwa kiki kye kwali. Noonyezza ekintu eky'obwakatonda ekisukka awo. Katonda tayinza kuva wali kutuma Kwe. Katonda ye Y'Atuma, kuteekwa kusigala kutyo.

Naye abapentekoote bona baagala obubonero. Baagala babulabe. Baibuli egamba nti, "Omulembe omubi omwonoonyi banooyna buponero. Naye okutumibwa kwali, "Sabiranga abalwadde." Emirundi mitwalo na mitwalo, era nnemeddwa okubasabira, kubanga bona baali baagala kabonero. Bonna ke beegomba.

62 Olunaku lwa luli, nali ngezaako okukola obuweereza, ne nnyingira mu kisenge. Omusajja n'ajja ku kadaala, n'agamba nti, "Kaakati, Ow'oluganda Branham, sooka olindeko akadakiika. Ensonga yange ya njawulo. Waliwo kye nnaakategeera." Ne ηjamba nti, "Kale, omusawo asobola okukukebera."

"Oh, ebyo sibyagala. Njagala kumanya kaakati essaawa eno. Ensonga eyange ya njawulo nnyo."

Ne ηjamba nti, "Kale, Saagala kukola kino, Ow'oluganda." Ne nkiyingiramu omanyi ekintu ekisooka, Omwoyo Omutukuvu n'Akibikkula.

N'agamba nti, "Mukama Yeebazibwe. Ekyo kituufu."

Ne ηjamba nti, "Abalala mwenna kaakati mujje. Leka mbasabire.

Bwe nnakola ekyo, mumanyi eyaddako kye yagambwa? "Ensonga eyange nkulu ddala nga eyiye." Awo ne nfuna mukaaga oba munaana, ne nzigalawo olukuŋŋaana. Kata kinzite.

Bulijjo mbaddenga nneebuuza, ekyo Iwaki kyandikoeddwa? Lwakuba nnali nnikola mu ngeri nkyamu. Ako kapande bupande akasonze ku kutumibwa. Si kwe kutumibwa. Akapande ako kasimbiddwa buli wamu, mu nsi yonna. Mu nnimi, ez'omu Africa, Buyindi, Asiya, Bulaaya, okwetooloola ensi yonna mu bantu mitwalo n'obukadde, akapande ako bakamanyiiko. Ndi mwetegefu okuva ku lusozi luno. Njagala kusomoka Yoludaani. Njagala mbeeko ekintu kye ntukamu emitala, okukkiriza kwange we kulibaako we kutuuka, we nsabira abantu, ne bawonyezebwaa.

63 Mwetegereze, Katonda Akikomezaawo ddala ku mibiri gy'abantu. "Wazaalibwa kusabira balwadde. Singa obasobozesa okukukkiriza."

Ne ηjamba nti, "Tebagenda kunzikiriza."

N'Agamba nti, Nja kukuwa obubonero bubiri, era olwa buno balikukkiriza." Mwetegereze, olwo, obubonero buno, babugeegeenyezza, obupande, mu kifo ky'okutumibwa. "Nga bakkiriza nti watumibwa kusaba."

Kaakati abantu bwe bajja mu lunyiriri, okusabirwa, amangu ddala omu bw'akwatirawo ddala...tewali kintu kyonna kye nnyinza kukikolako okutuusa nga bakuttewo awo. Kale bwe bakikola, awo nze ne ηjamba nti, "Nkuwa..."

64 Hattie Wright, omukyala oyo, ndowooza waali wano enkyo ya leero, atuulidde ddala awo. Ye yasooka, bwe twalaba bukaamuje obwo; n'amanya okutumibwa okukwata ku obwo, emirundi omusantu egoy emitereevu Katonda bwe Yabaako by'Atonda, ne njogera nti, "Oyo Katonda y'omu eyatondera Ibulayimu akaliga, okumukkirizisa ku kutumibwa kwe; Katonda y'omu Asobola okutonda ka kaamuje, kubanga ekyo kye nnali nneetaaga."

Muzeeyi Hattie Wright awo wennyini, ng'atudde emmanju w'ekizimbe. Nga omutima gwe agujje ku bintu by'ensi, yali akkiriza. Yagamba nti, "Ow'oluganda Branham, ekyo si kirala wabula ge Mazima gennyini. Teyamala gakyogera bwogezi okuva wano. Katonda Yayogera okuva mu mutima gwe.

N'agamba nti, "Hattie, saba ky'oyagala. Nja kukikuwa.

N'agamba nti, "Kiki kye mba nsaba?"

Ne njamba nti, "Olina taata wo ne maama abakadde abatudde wano. Olina muganda wo eyagongobala akyatudde mu kagaali aka ak'abalema. Oyinza okusabira oyo. Oyinza okusabira maama wo, taata wo. Oli mwavu. Tolina ssente zonna. Saba kyonna ky'oyagala."

N'agamba nti, "Kale, simanyi kiki kye mba nsaba." Nti, "Simanyidde ddala." N'agamba nti, "Okuyaayaana kwange okusingayo kwe kulokoka kw'abaana bange ababiri abalenzi."

Ne njamba nti, "Nkuwa abaana bo abalenzi mu Linnya Iya Yesu Kristo." Era bombi ne bakyusibwa, baagala Mukama Yesu. Bombi baabatizibwa mu Linnya Lye, era bawereza Katonda, buli lunaku, n'emitema gyabwe gyonna.

65 Ed Daulton, alina w'atudde muno, wano wennyini. Ku baana be, ekintu ky'ekimu.

Nnalaba, waakiri, mu kampeyini abantu lunaana oba lwenda, oboolyawo abantu nga lukumi abajja ku kadaala, mu lukunjaana, omu ku omu. Omnyi ekisooka, njendayo eyo ne mbasabira. Ddala, ne bawona. Wano ne wajja akawala akato nga Kkookolo w'omu musaayi akatta. Ddala, nnamanya ekyali kiruma omwana, sirina ku bona gwe nnagamba kigambo. Naye omwana oyo bwe yatuuka awo, ne njogera nti, "Mukwano, nkuwa omutima gwo kye guyaayaanira. Olina Kkookolo w'omu musaayi. Nkuwa okuwonyezebwa kwo, mu Linnya Iya Mukama Yesu"

Ne nkyukira ekibiina. Ne njamba nti, "Nsoomoza omuntu yenna mu mmwe wano: Atwale omwana oyo ew'omusawo, bamukebere, alabe oba alinamu akantu konna aka Kkookolo w'omu musaayi." Lwaki? Omwana oyo yali awulidde okufaanana nga Lakabu omwenzi. Yakikkiriza n'omutima gwe gwonna. Olwo Katonda, okuyita mu Mwoyo We, yaddayo emabega n'agamba nti, "Y'oyo." Bikumi na bikumi abaali bayise ku kadaala, nga tebalina, nze nga bwe mmanyi, baabako kye baafuna. Nnabasabira busabizi.

66 Kikomeddewo ddala eri abantu, "Bw'onakkiriza." Okutumibwa kwaweebwa. Okwo kwe kwasooka. Akapande kafulumiziddwa. Kaakati oba ekyo osobola okukikkiriza, bw'onakkiriza nti Katonda Yantuma mu nsi okusabira abantu abalwadde, nja kusobola okukusabira essaala ey'okukkiriza. Eyo y'engeri yokka gye kisoboka okukolebwamu.

Katonda tasobola kwawukana ku kutuma Kwe. Nnamuyiwa. Nnalina wano, emyaka nga kkumi-n'ena, si kirala wabula okutegeera eby'obuziba ebirambulukufu, okwetooloola ensi, okutuusa emirundi nkumi na nkumi, ndowooza mu ngeri nkumi na nkumi. Nkusabayo ekintu kimu, kyali kiremereddwa? Nedda, ssebo. Era akapande bwe kaba tekajja kulemererwa, kisingawo kitya okutumibwa bwe kutajja kulemererwa. Singa akabonero, ekyo ky'ekitundu ekitono; akabonero akasonga mu kibuga, bwe katalemererwa kukugamba nti ekibuga kiri awo, kisingawo kitya okuba nti ekibuga kijja kubaawo bw'onajja. Okutumibwa kuukwo awo.

67 Obuweereza bwange kaakati bukyuka. Bumaze okukyuka. Wajja kuba wakyaliwo okutegeera eby'obuziba ebtalabika na maaso. Bijja kuba bikyagenda mu maaso nga bwe nkyawulira nga Katonda Ayagala okubyogera. Naye okutuusa mu biseera ebyo, nja kusaba, nteeke emikono ku balwadde, nga bwe Yanjyamba okukola, ntale mu maaso omulimu gwange. Kino nkiranze okumala ebbanga ggwanvu, naye nzikiriza nti kaakati twetegese okweddiza ensi ensuubize. Awatali kubuuusabuusa n'akamu, wajja kubaayo ba Lakabu abalinze, wajja kubaayo abalinze, abagenda okukikkiriza n'emitema gyabwe gyonna.

Mutegeera? Buli omu ekyo akitegeera bulungi, wanika omukono gwo. [Ekibiina kiddamu nti, "Amiina." - Omuk.] Bameka abakkiriza nti ekyo kiri ddala mu Byawandiikibwa? ["Amiina."] Kyennyini kye Yagamba. Kuno kwe kutumibwa; buno bwe bwali obupande obusonze ku kutumibwa.

68 Kaakati nsoomoza omuntu yenna ambuulire, awantu wonna mu nsi, eyo entambi gye ziri, wonna gye ziyanza okugenda, ndagaayo omulundi gumu lwe Yali Alemereddwa okwogera ku kituuti, oba mu kwolesebwa kwonna oba ekintu kyonna, ne kitaba kituufu ddala, ne kitatuukirira ddala nga bwe Yakyogera. Buli muntu yenna gwe Yagamba obuzibu bwe ddala, bwe butyo bwe bwali, n'ebibukwatako byonna, na wa gye bwava, na buli kimu kye bateekwa okukola. Era buli mulundi kigamba nti BW'ATI BW'AYOGERA MUKAMA ku byonna ebiba bikwata ku kuwonyezebwa, kibeera bwe kityo. Bw'oba olinayo ky'omanyi kintegeeze. Nja kugenda ku lutambi ndabe. Tekiremererwangako, mu gino emyaka kkumi n'ebiri, oba kkumi n'ena. Tekiremererwangako, kubanga tekiyinza kulemererwa. Katonda Ye Yawa akabonero. Tekasobola kulemererwa.

Era Katonda nga tannampa kabonero, Yampa okutumibwa, nga tewannabaawo kabonero kusonga ku kutumibwa. Nga tewannabaawo kabonero kusonga ku kibuga, walina okusooka okubaayo ekibuga kye kasongako. Bw'oba okakkirizza n'omutima gwo gwonna, ojja kukifuna. "Essaala ey'okukkiriza erirokola omulwadde, era Katonda Anaabasitula."

69 Kaakati, nze, nneesigamye nnyo ku kapande. "Mukama, ebikwata ku kino bindage ndyoke mbasabire, kubanga simanyi kye nnyinza kukola." Ekyo nga kibadde kya bukambwe! Nsaba ekibiina munsonyiwe. Ebibiina ebiri eyo mu nsi, abawuliriza olutambi luno, munsonyiwe. Mbadde mukyamu. Nkoze obubi okukifulumya bwe ntyo. Okusooka okwo si kwe kwali okutuma kwe. Ako kaali kabonero nga kasonze ku kutumibwa. Nandibadde nsabira abalwadde buli wamu wonna.

Kaakati, mulabeeyo, kikomeddewo ddala ku mibiri gy'abantu, bwe muba munakkiriza nti Katonda Yalagira kino okukolebwa. Kiikino wano mu Kigambo, kikwataganira ddala n'Ekgambo, okutumibwa. Ne njamba...

70 Nkuba wano n'olugalo lwange, ekiyitirirwa, musoke. Eyo ndagaano, Katonda gye Yakola n'abantu. Yakola endagaano n'olubu lw'abantu, tagenda kuddamu kuzikiriza nsi na mataba. Yakola endagaano na buli mutume We yenna. Yakola endagaano ne nnabbi.

Kale eyo, emyaka nga kkumi-n'etaano, kkumi-n'ena, emyaka kkumi-n'etaano egiyise, mu 1937. Nga 7 Maayi, 1937, ndowooza bwe kyali. Nti, Katonda Yakola nange endagaano, ng'Agamba nti, "Wazaalibwa mu nsi muno, okusabira abalwadde. Singa olibasobozesa okukukkiriza..." Omutima gwange olubeerera gubaddengawo ku lw'abantu. "Bw'olisobozesa abantu abo okukukkiriza, awo beeranga mwesimbu nga osabye, tewali kiryekiika mu ssaala yo."

Kino nkyogera mu bwesimbu n'ensonyi. Bwe wabaayo omuntu yenna ateekeeddwa okuba n'okukkiriza, alina kuba nze. Okulaba bye Yakola, gye Yanzigya, ekinnya gye nnatemebwa! Okuyisa amaaso okutunulayo mu bulamu, biki by'Akoze! Labayo, bwe nnyimirira ne mbaako kye njogera, Katonda Ajja kujjira ddala Akiwagire, mazima.

71 Wayiseewo emyaka, bwe nnabagamba nti waaliwo Malayika eyajja gye ndi nga ndi mu nsiko. Nnali nkyali wa myaka esatu gyokka, Ekitangaala, embuyaga y'akazimu ng'ekuntira mu nsiko, n'Anjamba nti, "Tofuuweetanga sigala, omwenge oba ekirala kyonna," Nga wagenda kubaawo omulimu gwe njenda okukola nga nkuze. Wali wa ddembe ekyo okukibuusabuusa. Tewalina ddembe, naye wandikibuusabuusizza.

Emmanga wano ku mugga, bwe Yakka ne Yeeyoleka okubeera ekyo. Waggulu we twali tuyimiridde, bangi ku mmwe abatudde wano enkyo ya leero mwaliwo. Bangi ku mmwe mukimanyi nga ago ge mazima.

Bangi ku mmwe mujukira awo nga okutumibwa kuweereddwa. Kale N'Agamba nti, "Genda, n'obuwereera buno bugenda kubuna mu nsi yonna, okudda obujja kujja kutandika." Wabaddewo okudda obujja okutabangawo. Okudda obujja kaakati kukyagenda mu maaso, okwetooloola ensi yonna, kampeyini ennene ez'okusabira abalwadde mu nsi yonna.

72 Era nze, okutandikira ku muntu, akamese. Kino sokyogera kuweebuula maama wange atudde awo, oba kitange omugenzi, nga n'okusaba okumujukira nga agenda okuziikibwa kwali ku kituuti kino. Nnakuzibwa mu maka amabi ennyo. Mukimanyi. Ku ffenna tekwali Mukristaayo. Kitange yali anywa. Katonda Yaddira omwana w'omutamiivu, n'annaaza mu musaayi Gwe. Bwe nnagendangako eyo mu kibuga okubaako gwe njogera naye, bwe nnabanga njogera n'omuntu, nga omuntu oyo okwogeranga nange yabanga talina gw'ayogera naye.

Omuntu yajjanga, gamba omuntu yenna, ne bwe yabanga ani yenna eyajjanga we ndi, olwo nga bavaawo olw'okuba nnali mwana wa mutamiivu. Era bangi ku mmwe wano mu kkanisa yange mumanyi nga ago ge mazima. Nga nnina erinnya lye ssibangako nalyo...oba nga ensolo oba ekintu bwe kityo. Era olumu kyayogerwanga mu kibuga, eri omuntu ajja ewaffe, nti, "Oyinza okweriraanya ne kasasiro afaanana atyo?" Oh! Wabula, Katonda, kiki kye nnalina okugenda nakyo mu maaso okuggyako Omusaayi gwa Yesu Kristo. Sirina buyigirize. Siri muntu ali awo. Tewali kye nnina.

73 Nnagamba mukyala wange, ebbanga si ddene emabegako nti, "Lowooza byali nga bitya nga tewali ayogera nange. Ate nga njagala abantu. Nga tebampuliriza." Nzijukira nga nsoma akatabo, nga njenda ku ssomero...

Nnasindika abaana bange ku ssomero, jjuuzi. Nnasobola okubawa ebitabo n'ebirala. Nga nnasiima nnyo! Nga nnyinza okugenda ku ssomero nga ssambadde na ngatto, nga enviiri zange zirengejja okutuuka mu bulago; nga engoye tewali; nga nnyambadde akakooti akakadde, nga munda temuli ssaati. Nga sirina wadde ekkalaamu enkalu ka kabe kapapula ak'okuwandiikako. Nnalina kusabirizanga ekkalaamu enkalu, ekkalaamu enkalu ey'ennusu obunusu n'akapapula, okuwandiikako ebizibu ebiri ku lubaawo oba ekintu ekirala. Nga tewali. Kyali kikyamu...

74 Nzijukira olumu lwe nnasoma mu katabo, Abraham Lincoln lwe yagwa-okuva mu lyato, nzikiriza, New Orleans. Eyo nga ayimiridde mu ddundiro, yalaba obwana obuddugavu, n'obugere bwabwo awo awaali wasuze ente, nga tewali musulo...Nga buyimiridde awo buyimba nti, "Olina engatto, nange nnina engatto, n'abaana ba Katonda bona balina engatto."

Bwe yava mu lyato, n'atunula. Ng'ayimiriddde we bazannyira omuzannyo gw'ensero, waali wayimiriddewo essaya eddene eriddugavu. Nga mukazi we asitudde omwana mu mukono, nga omwana akaaba. Baali bamutunda, okumuzaaza n'abakazi abaneneko, okufuna abaddu abanene.

Lincoln n'agalula emikono gye *bw'ati*, n'agatta wamu ebibatu bye. N'agamba nti, "Ekyo kikyamu." N'agamba nti, "Luliba lumu ebyo ne mbikuba, oba kirinviirako okufa." Kyamuvuirako okufa. Naye yakikuba, era yakitta.

75 Ne njamba nti, "okunywa kuno, okutambulira kuno mu bulamu obukyamu, kibi. Luliba lumu ne nkikuba." Nnali njenda kukikuba ntya, n'erinnya nga lye nnalina? Tewali n'omu yayinzanga kwogera nange. Eyo y'ensonga lwaki nnabuuza okutumibwa kwange. Nga tewali anfaako. Tewaali n'omu, wonna; mu bantu bange wano.

Olw'ekisa kya Katonda, nnina okuva mu maka gange; siyinza na kusigalayo, olw'abantu wonna mu nsi, nga bakuba amasimu. Abantu ababuli kika, abafuzi, abalangira, bakabaka, abantu ab'amaanyi, bannabizineesi, baminisita, okuva wonna mu nsi, nga bakuba amasimu; ne bakuba, ne bakuba,

ne bakuba, ne bakuba, buli lunaku, buli kiro. Kiki ekyakikola? Omusaayi gwa Yesu Kristo oguli mu mmeeme yange. Ng'omusaayi gwa Abraham Lincoln bwe gwasumulula omuddugavu okuva mu buddu; Omusaayi gwa Yesu Kristo gwanzigyako enjegere. Ne gunzija ku linnya eryali wansi ennyo okusinga ery'ensolo, ne gumpa erinnya nga omwana ow'ekisa Kye.

76 Ndi mwetegefu okugenda ku Yoludaani, enkyo ya leero. Ndi mwetegefu okuyimirira awali okutumibwa kwange. Abantu mbaagadde. Mbalabiridde. Ansisinkanye, okwolesebwa okw'emirundi n'emirundi, kwe sirina budde kwogerako, era mukumanyi. Kuwandiikkidwa wano wennyini, ku maliba g'ebitabo bino, okugamba nti, "Abantu obalabiridde nnyo ekisusse. Okutambula Nange, oja kutambula wekka. Obubonero obwo obuteekako nnyo essira eriyitiridde."

Ssaamanya biki ebyali bigenda okuddirira, naye essaawa etuuse. Essaawa etuuse, bwe nnalaba Omukono nga guja eri Yoswa, nti, "Nnali ne Musa, Nja kubeeranga naawe." Nkikkiriza, enkyo ya leero, okuva kaakano, n'olunaku olwaleero, nja kuweereza Katonda mu kutumibwa kwange. Bw'Aba Ayagala okundaga obubonero, oba bw'Ayagala okundaga okwolesebwa, Asobola okubindaga. Bw'Atandaga; sigenda kuddamu kuyimirira mu maaso g'abantu, okugezaako okuganya okukkiriza kwabwe kubeecko kye kunsikamu. Nja kusabira abalwadde mbaweeyo eri Katonda, mbaleke bagenda. Bwe bakkiriza okutumibwa, Katonda Asigala mwesigwa. Andeese okuntuusa wano, nga bwe Yakola Musa. Nga bwe Yakola Yoswa, kale era bwe kityo bwe kibadde.

77 Essaala yange mu buwombeefu eri nti, "Ayi Katonda, nsonyiwa. Leka nnyimuke nziremu nate. Nnyamba, Mukama. Leka nkulembere abantu bano, mbateeke mu Kigambo tulyoke tusobole okugenda, ku Yoludaani, tugende mu Nsi ensuubize, awo Ekkanisa ya Katonda ey'amaanyi ennunule gye balirokokera obutaddamu kwonoona." Okwo kwe kuyaayaana kwange enkyo ya leero. Kikkirize, obe mulamu. Kikkirize, owonyezebwe. Njogera gye muli mu Linnya Iya Mukama.

Leka tusabe.

78 Mukama Katonda, Omuronzi w'eggulu n'ensi, nnannyini Bulamu Obutaggwaawo, era Omugabi wa buli kirabo ekirungi leka okusaasira n'ekisa Kyo bibe ku muddu Wo, okusooka, Mukama. Nkoze ebikyamu maaso Go, olw'okukozesa ekintu ekibadde eky'Obwakatonda, kubanga abantu bakisise okuva mu nze, Mukama. Nkusaba Ggwe, Ayi Mukama Katonda, okuva ku ssaawa eno okweyongerayo, nteekaamu amaanyi, Mukama, n'Omwoyo Wo. Nzikiriza, n'omutima gwange gwonna. Yamba, Ggwe, obutakkiriza bwange.

Abasajja n'abakazi abo nga bajja okusabirwa, olwo nja kukola kasita Ompa omukka n'obulamu. Leka kaakati bakkirize, nga basabirwa, Kitaffe. Nsaba nti okutumibwa kuno kwe Wampa, nsaba nsobole okukutuusa wonna mu nsi. Era bwe ntuuka mu bifo ebimu eyo nga akapande kaasimbibwayo, ka bamanye nti ako kasonga busonzi ku kutumibwa. Bafune okukkiriza.

79 Mukama, sikyaddamu kulindanga-ngeri ya kabonero oba ekifaanana bwe kityo, okubaako bye kambuulira, oba *ono* omuntu agenda kuba bulungi. Nja kugenda okusisinkana omulabe, nga nnina okukkiriza mu mutima gwange. Nja kugenda mmusoomooze, okwolekera Omusaayi gwa Yesu Kristo, nti olw'Omusaayi gwa Kristo, tasobola kuyimirira.

Kaakati, oba ebintu bino byonna bibadde bituufu, ebikakasiddwa nga bituufu, kale Onoowonya abalwadde nga mbasabidde, Mukama. Ekigambo Kyo. Kisubizo Kyo. Kino kye nneegomba okukola. Yamba, Ggwe, obutakkiriza bwange.

Sonyiwa okwonoona kwange, Mukama, okukujeemera. Nnali sirina kirala kye mmanyi kyakukola. Nze, singa nnali mmanyi, Mukama, kyali tekinnaba kumbikkulirwa kuntangaazibwa. Kaakati kikoleddwa. Mmanyi wa we nnyimiridde. Mmanyi okutumibwa kwange. Ekigambo kino sirikiganya kuva mu kamwa kange, emisana n'ekiro. Olubeerera nnyimiriddenga nakyo, Mukama, nnyimiriddenga nakyo, nga mbuulira abantu.

Nti, bwe kiba nga si ky'Ekigambo kya Katonda, mba nkibuuusabuusa. Naye sijja kubuulira oba okukola ekintu kyonna okuggyako nga Kigambo kya Katonda.

80 Naye Mukama, njenda nkoowa, nneetooloolera wano wamu. Nga bwe nnagambye jjo akawungeezi nti, "Okumala emyaka ana mu lukoola okudda eno n'eri, okudda eno n'eri." Omukisa gwa Katonda, ddala, okukuza endiga n'abaana, n'ebirala ebitali bimu, n'ebisibo n'amagana, na buli kimu. Ayi Katonda, Ompadde omukisa. Naye olumu Wagamba nti, "Ku Iusozi luno omazeeko ebbanga erimala. Oh, weeyongereyo oyambuke mu mambuka, okwolekera Yoludaani."

Ayi Katonda, enkya ya leero, ntandika, obupande buno mbuvaako, kubanga busonze ku nsi esingako. Nnyinza okwesittala. Nnyinza okuyita mu Bamerek. Nnyinza okuyita mu Bakiiti oba Abakanani. Kiyinza okunneetaagisa okuyita mu bantu bange abankolokota. Mukama, nja kugenda bugenzi mu maaso nga ntambula. Mmanyi nti waliwo awali Ensi emitala, eri erudda eyo, waliyo kko embeera, ekifo w'oyniza okutuuka, w'Ojja okwanukulira essaala, nti kyonna kye tusaba Ojja kukituwa. K'abe Kkokoolo tajja kulemerawo mu maaso g'okusaba. Mmanyi nga ago ge mazima. Ekyo nkikkiriza, era nkirinze, Mukama nga bwe nneewaayo gy'Oli, enkya ya leero, olw'obuweereza Bwo, mu Linnya Iya Yesu Kristo. Amiina.

81 Kkiriza ggwe, kkiriza ggwe.

Byonna biyinzika, ggwe kkiriza.

Kkiriza ggwe, kkiriza ggwe.

Byonna biyinzika, ggwe kkiriza. [Ebbanga ejjereere ku lutambi-Omuk.]

Kaakati, olutambi luggyiddwako, kubanga bigenda kutuuka wonna mu nsi. Ekyo kiva mu mutima gwange. Ekkansa mukitegeera? [Ekibiina kiddamu nti, "Amiina"-Omuk.]

Katonda tayinza kwogera kintu kyonna n'Akiddako. Ebigambo Bye tebiwakanyizibwa. Ebisuubizo Bye bya mazima ebbanga lino lyonna, mbaddenga nninze essaawa eno. Mulaba? "Okusaba kw'okukkiriza kwe kulokola abalwadde," so si kabonero. [Ebbanga ejjereere ku lutambi-Omuk.] "Bw'oba osobola okukkiriza." Yesu Yagamba nti, "Nsobola. Nsobola, bw'oba okkiriza." Kaakati oba Katonda Ampadde amaanyi okubasabira essaala y'okukkiriza, era ng'Akisubizza era n'Akikakasa nga ge mazima, kaakati mukkiriza? [Ekibiina kiddamu nti, "Amiina."] Kye nsaba, nkifuna, bw'okikkiriza. "Bw'olisobozesa abantu okukukkiriza, era n'oba mwesimbu nga osabye, tewali kigenda kulemera mu maaso ga ssaala yo"

82 Ow'oluganda, mwannyinaze, oba nnali njagaddeko okuba omwesimbu, kye kino ekiseera, oluvannyuma lw'ensobi zange zonna nga zeeraze. Kye njagala...Ensonga lwaki nnaleese Obubaka buno, gye buvuddeko, nti Katonda Alaga awo nti Ye Musaasizi. Musa yakola ensobi ze, omusajja ow'amaanyi nga ye. Awo Yoswa bwe yajja, naye yali agenda kukola zize. Naye Katonda Yagamba nti, "Nga bwe nnabeeranga ne Musa, bwe ntyo bwe nnaabeeranga naawe."

Kaakati tunuulira Katonda, emyaka 2 egiyise ng'Ansagedde butereevo ku Kyawandiikibwa ekyo. "Nga bwe nnabeeranga ne Musa, bwe ntyo bwe nnaabeeranga naawe." "Sigenda kutunuulira nsobi zo." Yamanya nti essaawa eno egenda kutuuka. Kaakati eri wano, labayo, tuddiddeyo ddala nate, kubanga Katonda Tayinza kukivaako.

"Olw'okukkiriza walokoka." Bameka ekyo abakimanyi? [Ekibiina kiddamu nti, "Amiina."-Omuk.] Si bangi, abantu abalungi bameka abakusabidde, ababuulizi bameka abalungi abakubuulira enjiri, olina obuba n'okukkiriza okukwo ku bubwo olw'obulokozi. Si bwe kiri ekyo? [Amiina] Kukwo ggwe. Sifaayo okubuulira kwa mirundi emeka okulungi kw'owlira, osabira mu kkanisa mmeka ennungi, kukkiriza kwo ggwe wennyini nga omuntu kwe kukulokola. Oba okaaba kwenkana wa, oba osabiriza kwenkana wa, oba oleekaana kwenkana wa, oba ozinira mu Mwoyo kwenkana wa; okukkiriza kwo kwokka kwe kukulokola. Si bwe kiri? ["Amiina."] Eyo y'engeri yokka gy'owonyezebwamu.

83 Katonda bw'Awa omuntu Obubaka, omubuulizi; omubuulizi abuulira obulokozi n'awa obubaka, olaba obubaka obwo ge Mazima, Katonda Abunyweza ng'Akozesu Ekigambo Kye, nti ago ge Mazima. Awo tosaanye kusingawo kukkiriza kirabo kya kusabira mulwadde n'awona, nga kikakasiddwa Ekigambo ne Malayika. N'obubonero bubiri obutawakanyizika nga bw'ombi bukisonzeeko, tosaanye kukkiriza nnyo! Olaba? Kale kasita...

Okulaga nga ddala Katonda bw'atyo si bwe Yali Ayagala okukikola ekyo, akabonero bulijjo kannafuyanga. Bameka abakimanyi ekyo? Mubuuze mukyala wange ali emabega awo, asobola okubabuulira. Oyo, gwe kisinga okuyisa obubi okusinga omuntu yenna; Era buli omu alina okungumiikiriza. Nga ne w'oli kyenkana tomanyi nawo, kutambulatambula, ne *kino* na *kiri*. Oba tomanyi, Tambula, kkirirako katono ku luguudo, oyimirire.

84 Kaakati, nga tuva mu nkunjajaana zino ezaakaggwa. Nnatwala abantu bano mu lunyiriri. Twasooka, ne tuba n'ebiro bibiri, bisatu, nga tewali kugaba kkaadi z'abeetaaga kusabirwa. Awo nga mulina okukunjajaana

bwe kutyo, twalinanga okugaba kkaadi z'abeetaaga okusabirwa. Nga nnyimirira, oluusi, ne nkola ku bantu ataano oba nsanvu-mu-bataano. Mpozzi ne wabaawo okumanya eby'obuziba ebtalabika na maaso ku bantu ataano oba ana, olumu, mu buli kiro. Bwe kiri ekkyo. Gene, Leo, naawe abali erudda wano, abali mu lukunjaana? Ddala ge gaali amazima! Era kiki kye kyakola? Bwe kyavaawo, ne batandika okuddayo eka, nga nneerabira ne we ndi; nga njagala okumanya wa gye nvudde, ku luguudo olunene.

Ky'oyagala okujjamba nti, Katonda ekkyo Akikola omuntu? Nedda, ssebo. Omuntu yennyini ye yali akyekola, nga atwala akapande mu kifo ky'okutumbwa. Nnayimirirako awo wansi w'omuti omukadde, ku mabbali g'ekkubo, eyo mu Washington, oba awantu awamu erudda eyo engulu. Ne njamba nti, "Mukama, singa Onajjanya ne nzira engulu mu kutegeera kwange, kiba kirungi nate, Nnyamba mmanyam amazima kye ki, nsobole okuba omulambulukufu n'abantu, n'okutumbwa kube kulambulukufu."

85 Kaakati nkirina. Nga ntudde erudda wano ku mabbali g'olusozi, olw'e Kentucky, jjuuzi, nga obudde bunaatera okukya, Yakimbikkulira. Era kye kino wano. Kiikino wano. Kaakati njenda mu Linnya lya Yesu. Uh-huh.

Kikkirize, obe mulamu. Kikkirize, owone. Siyinza kukikkiriza muntu. Olina okukikkiriza, ggwe wennyini. Naye mbabuulidde Amazima. Katonda awadde obujulizi nti ge gaali Amazima, okuyita mu Kigambo Kye, okuyita mu Malayika We, okuyita mu bubonero n'ebey'amagero, okumalira ddala emyaka kkumi-n'ebiri. Bwe baba tebagenda kukikkiriza kaakati, tebalikikkiriza. Si bwe kiri ekkyo? [Ekibiina kiddamu nti, "Amiina."-Omuk.] Naye essaawa etuuse, nga nkooye okubeera ku lusozi luno. Njagala kugenda ku Yoludaani. Njagala kuyingira mu bisubizo ebijjuvu. Njagala okufuna okukkiriza mu nze kennyini, nga situnuulidde kabonero, nga situnuulidde kintu Katonda ky'Abikkudde, oba ekintu ekifaanana ng'akapande. Njagala ntunule nga njolekedde Kalivaaliyo, njambe nti, "Olw'okukkiriza nzija, Mukama Katonda. Nzija mu Linnya lya Mukama Yesu."

86 Kaakati walliwo abali wano ab'okusabirwa, enkyo ya leero. Nzija okusisinkana endwadde n'okunyigirizibwa kw'emibiri gyammwe, mu Linnya lya Yesu Kristo. Ekyo nja kukikola ppaka Katonda nga Anzigyemu obulamu. Kale. Kasita Aba nga ampadde amagezi n'okutegeera, nja kujja nsabe. Tokivaako, ky'okkiriza, nti bwe nkusabira, ogenda kuwona. Ekyo kitereeze. Bw'otokikkiriza, awo tojjira ddala, kubanga ky'ogenda okukola kwerumya bwerumya.

Kaakati kiri ku lutambi, era kiri wano. Okuva kaakano, tewagenda kubaawo kumanya bya buziba bitalabika na maaso okutuusa nga Katonda Ampadde e...nga Anjambye okukola ekintu gundi. Agamba nti, "Genda, ogambe omuntu *ono* ekintu gundi," awo nja kugenda mbabuulire. Awo Agambe nti, "Kola ekintu gundi," nja kugenda nkikole.

Naye kasita mbeera nga nnyimiridde awo, nga njamba nti, "Kaakati ntunuulira. Okkirize n'omutima gwo gwonna. Weewawo. *Ono, gundi* bakuyita John Deo, wawa *gindi*. Walina Kkookolo, okumala ebbanga bwe liti. Dokita *gundi* yakugamba nti togenda kuwona. Wagenda n'okola *ekintu gundi*. Kaakati ekkyo olina okukizzaayo, otereeze *kino*. Ofune *kino*, olyoke owone. Kale. Owoluganda Deo, kaakati genda mu maaso, kikkirize. Kaakati, ggwe mwannyinaffe *Gundi*, ova *gindi*. Ova *gindi*." Amangu ago ne ntandikirawo okutawuka, nga simanyi ddala, na kyakukola. Era ekisooka, nga bwe mumanyi, waliwo omulala. Ntunula, ne ndaba ani gwe ntunuulidde. Awo ne nfuluma olukunjaana, ne nneebuuza, "oba ndi ludda wa?" Ebyo olwo nga biwedde.

87 Nzija mu Linnya lya Mukama Yesu, nga omuweereza We. Oba Katonda tannakikakasa gy'oli mu kiseera kino, nti ge mbabuulidde ge Mazima, olwo tolilikikkiriza nti ge mbabuulidde ge Mazima. Amiina. Ekyo bwe kiri. Kituufu. Bameka abaagala okusabirwa? Muwanike emikono gyammwe. Kale.

Kaakati njagala Teddy. Teddy akyali mu kizimbe? [Waliwo addamu nti, "Nedda. Abadde alina okugenda."-Omuk.] Abadde alina okugenda. Wano ani akuba ennanga, asobola okunkubira oluyimba, *Kkiriza ggwe*, oba onaasobola. Oba waliwo wano asobola okulukuba. Olulina? Oba, olina olutambi, olulina awantu awamu? Omuntu yenna bw'aba ali wano ng'ayagala okulutukubira, *Kkiriza Ggwe*, omukubi w'ennanga, jjirawo butereevu mu maaso. Oba musajja oba mukazi, si nsonga. Tujja kukusanyukira. Kale. Kaakati nga olukuba mpolampola, bw'oba osiimye, mwannyinaffe omwagalwa.

88 Kaakati tetugenda kugaba kaadi z'ab'okusabirwa. Bwe tuba mu nkunjaana entono nga luno, tetuzeetaaga. Bwe tuba mu nkunjaana ennene, tusigala tulina okugaba kkaadi z'ab'okusabirwa, bwe mba njenda kusabira bikumi bitaano. Awo kijja kuba kikwetaagisa okukikola, kubanga oba olina bayitirivu obungi mu...nga owaguza buwaguza mu nnamungi w'abantu, labayo.

Bameka abakkiriza nti bw'Ati Katonda bw'Ayagala? [Ekibiina kiddamu nti, "Amiina."-Omuk.] Oh Waliwo ekimpulizza muli nti kye nkoze ky'ekituufu. Waliwo ekigize...Nze kinvuddeko mu kifuba. Kibaddewo okumala emyaka kkumi-n'ebiri, nga mmanyam nti wabaddengawo ekikyamu, Ow'oluganda Lee. Kaakati awo mmanyam kyavaawo awo. Nkyogedde. Kikwatiddwa ku lutambi. Nze kinvudde ku kifuba.

89 Mujukire, osobola okulokolebwa na kukkiriza kwo kwokka gwe. Osobola okuwonyezebwa na kukkiriza

kwo kwokka gwe. Okkiriza nti eno ye Baibuli? [Ekibiina kiddamu nti, "Amiina."-Omuk.] Ekigambo kya Katonda. Okkiriza nti musumba wo musajja wa Katonda, si nsonga kkanisa ki mw'osabira? Bw'oba tokkiriza, oteekeddwa okugivaamu. Genda ew'omuntu nga omuntu oyo muntu wa Katonda. Awo nno bw'oba omukkiriza, kkiriza nti g'akubuulira ge Mazima, olwo gakkirize. Okukkiriza kwo mu Kristo ggwe nga omuntu kwe kukulokola. Si nsonga omusumba wo ne bw'aba mulungi atya; ne bw'aba atya Katonda okwenkana wa; maama wo ne bw'aba mutukuvu okwenkana wa; oba-oba Ekigambo kya Katonda ne bwe kiba ekyannamaddala okwenkana wa; ne bw'okaaba kyenkana wa; ne bw'osaba okwenkana wa. Okukkiriza kwo kwe kukulokola. Olw'okukkiriza mwalokolebwa.

Kaakati ekintu ky'ekimu ekikola na wano. Si nsonga ne...Ekigambo kya Katonda kigamba nti Alisindika kino mu nnaku ezisembayo. Okubaaliira obutereevu kati kwa mirundi ebiri, Nnaleese Israeri ey'omubiri ne Israeri ey'omwoyo wamu. Tunoonya Yoswa ow'omu nnaku zino, nga oyo ye Mwoyo Omutukuvu, okutukulembera okugenda mu Nsi ensuubize. Alina okubaako omuntu gw'ayogereramu, kubanga oyo Mwoyo. Mbabuulidde bye Yambuulira. Kaakati mukkirize, muwonyezebwe.

90 Kaakati muleke bino, ku ludda *luno* olw'omusittale. Doc, gwe genda wali. Billy Paul, Billy aluwa? Janga wano oyambeko. Doc, oba onoosobola.

Kale kaakati buli omu agenda okuyita mu lunyiriri luno olw'ab'okusabirwa, jjukira, kigenda kukuddira ggwe kennyni, bw'otakkiriza na mutima gwo gwonna. Ge Mazima; Oteekwa okukikkiriza. Kati jjukira, ye ggwe omulwadde. Katonda Yakyogera mu Baibuli Ye. Katonda Yakiweereza ng'Ayita mu mubaka We. Katonda Yakikakasa ng'Ayita mu Malayika We. Kaakati oteekwa okukikkiriza.

Kaakati, ggwe ayagala okusabirwa, kiihino Baibuli ky'egamba. "Bwe banaateekanga emikono ku balwadde, banaawonanga." Era ago ge Mazima. Era ekyo twagala okukikkiriza, n'emitima gyaffe gyonna, kaakati, era Katonda Ajja kukuwa okuwonyezebwa kwo.

91 Kaakati yita *eno* bw'oti, okuyitira wano, n'okuddayo. Leka oludda *luno*, ate oludda luli olulala. Mukomeewo mu ngeri y'emu. nga era mugenda bwe mutyo. Ka Ab'oludda *olwo* bayimirire ku mukono ogwa ddyo, erudda *wano*. Kale. Ogamba ki? [Waliwo ayogera n' Ow'oluganda Branham-Omuk.] njenda kukka wano wansi. Yee, ssebo. Wano wennyini, okubasabira.

Kaakati, amabaluwa gano n'obutambaala buno, mmaze okubiskabira. Bangi ku mmkwe, abamu ku mmwe, mpozzi oboolyawo, mulina okugenda. Temwerabira akawungeezi ka leero, kaakati, olukunjaana luli ku kukakasibwa. Okukakasibwa okw'Obwakatonda okw'Ekkanisa ey'Amazima. Mulaba?

92 Kaakati, eri mmwe...abagenda okusabirwa, okkiririza ddala obutabuusabuusa nti ogenda kuwonera ddala? [abantu abali mu lunyiriri Iw'ab'okusabirwa baddamu nti, "Yee"-Omuk.] Oba tokkiriza, tojja. Bw'oba okkiriza, mulimu gwo okujja.

Kaakati, siri muwonya, naye nnina ekirabo eky'okuwonya. Ekyalabibwako. Kikakasiddwa nti ago ge mazima. Mulaba? Emabega, edda ennyo, nzijkira, nnateranga okugenda wano mu ddwaliro bwe nnali omubuulizi mu Babaputisiti ow'omu kitundu wano, erudda wano. Nga njira ne njenda mu ddwaliro. Waateranga okubaayo nnansi omukadde. Yasulanga mmanga mu Howard Park. Simanyi oba akyaliyo, oba nedda, ku ddwaliro. Yateranga okugamba omulwadde nti, "Kaakati ogenda kuwona. Kaakati ogenda kuwona. Nti nno, "Omubuulizi oyo omubaputisiti ajja okukusabira." Mulaba? Kyali ki...Kyali kitandika butandisi. Bwe kyali. Bwe kityo bwe kyali. Kaakati kyali kigenda kusaasaana. Okuva mu kitundu wano, okugenda mu nsi yonna.

93 Kale kati Yampa obubonero buno, okunnyamba olw'obutaba na buyigirize. Kaakati singa nnasoma ng'abamu ku bano abawereesa abalala, eky'okulabirako, omu gwe mmanyi, mpozzi Ow'oluganda Neville oba Dokita Vayle, abamu ku abo, kino nna-nnandibadde sikifuna. Naye nnina okuba nakyo, okusobola okugattawo, okubeerawo olw'ekyo kye ssaafuna mu kusoma. Nnina okubeera n'obubonero. Kale nga... obubonero bukoledde ddala nga obuyigirize bwe bwandikoze. Naye, olaba, bw'oba tolina bisaanyizo, Katonda Asobola okukuwa ebisaanyizo, mu ngeri endala.

Kaakati olina okukkiriza kale kkiriza. Kaakati njagala buli omu ku mmwe asuubize Katonda, w'oyimiridde. Kubanga, bw'otokikola, tekijja kukuyamba. Njagala buli omu ku mmwe ateke ku bbali okubuusabuusa kwonna. Bw'ojja nga oyita mu lunyiriri, bwe nkusabira, njagala ove wano. Oyinza obutalabirawo bibala yadde akatono ennyo. Naye, ekyo, Yesu teyagambako nti, "Okirabye? Okiwulidde?" Yagamba nti, "Okikkirizza? Okikkirizza? Bw'okkiriza."

94 Kaakati, kino nkyetegerezza, mu lugendo. Nsabira abantu. Abamu ku bo Ye baatandisabidde; Yakolanga okwawula emyoyo; nga bavaawo, nga bagamba nti, "Huh! Sirina kye nfunye kyonna. Talina ky'Ambuulidde kyonna." Omuntu oyo bulijo teyabangako ky'afuna, ku bibiri.

Naye abamu ku bo bajja mu lunyiriri, nga bagamba nti, "Weebale Mukama. Nkikkiriza." Nnawulira kuva ku abo, nti, "Omanyi, Ow'oluganda Branham, ssaawulirawo njawulo yonna, okumala ennaku eziwerako," mpozzi nga wayiseewo wiiki bbiri oba ssatu, oba okusingawo. "Naye, mbagirawo, ne ntandika okuwulira

nga ekintu ekkyo kinvaako. Mulaba? Ekyo, ne kigenda." Mulaba? Mulaba? Mulaba?

Oyinza okugamba nti okkiriza. Waliwo ebika by'abantu bisatu abatuula mu nkunjjaana, abo be ba; abatakkiriza, abeefuula obwefuuzi abakkiriza n'abakkiriza. Abamu ku bo beefuula ng'abakkiriza, "Oh, ddala, nzikiriza" naye tebakkiriza. Bw'oba okikkiriza...

Njagala okubabuuza ekibuuzo kino kaakano. Bw'oba okikkiriza, tekisoboka busobosi ggwe obutawona. Wuliriza. Ekyo leka nkiddemu. Tekisobokera ddala n'akamu ggwe obutawona, bw'okikkiriza.

95 Ekisooka, Ekigambo kya Katonda ki...kiwa okutumibwa. Okikkiriza ekkyo? [Ekibiina kiddamu nti, "Amiina." -Omuk.] Ekisooka, Ekigambo kya Katonda bwe kityo bwe kigamba. Ekyo kiri waggulu wa buli kintu kyonna. Eky'okubiri, Malayika wa Katonda akitakasizza, obubonero bukinywezezza. Ekyo bwe kiri? ["Amiina"] Kaakati, tewabangawo kulemererwa kwonna ne bw'ogenda wa.

Wadde omulundi ogumu gwokka Ekigambo kya Katonda tekiremererwangako nti kyagamba nti, "Nze-Nze olumu nnabawa okuwonyezebwa, naye kaakati nkubaggyako" Njagala ekkyo wabeeeo akindaga." Nja kukulaga awantu Yesu we Yatumira Ekkanisa Ye okusabira abalwadde, era essaala ey'okukkiriza enaawonyanya abalwadde. Kaakati ggwe mbuulira we Yagambira nti tekigenda kuddamu kubaawo. Kindage mu Baibuli. Olaba?

Yagamba, mu nnaku ezesembayo ebintu bino byennyini Agenda kubikola, okuzuukiza ebintu bino. Laba ebibaddewo ne bituukirira. Akuumye Ekigambo Kye. Mbagambye nti Yantuma, kaakati ensi ekimanyi. Ssaayansi akimanyi. Malayika wa Mukama akitakasizza. N'ebibala bikikakasizza nga ge mazima.

96 Tuli mu nsi endwadde. Waliwo bangi nnyo ab'okusabirwa. Nnalowoozezza nti, "Mazima waliwo engeri endala, etali eno."

Ow'oluganda Moore olumu yanjamba... Waaliwo akawala akanaku akagongobavu nga kaavulira mu kizimbe. Kakazi kattu kannyabo, nga kagezaako okuntuukako we nnali. Nnatunula wansi. Omwana n'atandika okukaaba. Kale, ne batasobola kukaleeta mu lunyiriri. Nga tekaalina kaadi y'ab'okusabirwa. Nga tetumanyi, nga ako kekaali akawungeezi k'omwana oyo akasembayo. Ow'oluganda Moore n'abo nebakayamba okuva mu lunyiriri.

Olunaku olwaddako, twatuula ne tukyogerako. N'agamba nti, "Ow'oluganda Branham, ekkyo kyannumye."

Ne njamba nti, "Kyakulumye?" Olowooza nze kyampisizza kitya?" Mulaba?

Akawala, akagongobavu? Ekyo kyannemerako. Era ekkyo kimaze emyaka nti kkumi bukya kibaawo, akawala akagongobavu eyo mu Illinois. Nga omutwe muddugavu, amaaso ga kitaka, nga kaavula bwavuzi, nga kaalwala Ppooliyo nga kagezaako okuntuukako we nnali. N'abakebezi emmanga eyo nga balina okukayamba okukazzaayo oktuula mu kifo kyako. Ne kaavula okuva mu kifo kyako, oktuuka eyo. Lwaki? Osobola kukola ku bangi nnyo. Era singa nnali nsobola abamu okubakendeezaako ne nkateekamu nga tekalina kkaadi y'ab'okusabirwa, abalala kyandibayisizza bubi. Mulaba? Ddala. Nga sisobola kukikola. Ne njamba nti, "Mu butuufu waliwo kko engeri endala." Kale njamba nti singa nnali mmanyi kye mmanyi kaakati, ebintu byandibadde bya njawulo, mazima byandibadde bya njawulo.

97 Kaakati, buli omu ku mmwe, ekintu kyokka ekinaakulemesa okuwonyezebwa, ye ggwe obutakikkiriza.

Kaakati leka tukoteke emitwe gyaffe.

Kitaffe ow'omu Ggulu, wano wayimireddewo bamuzibe, abagongobavu, abanyigirizibwa, abalwadde, abafa Kkookolo, Alusa, ebizimba. Bonna bayimiridde wano mu lunyiriri, Mukama. Mbuulidde Ekigambo. Era mmaze emyaka kkumi-n'ebiri, Ekyo Okikakasizza okwetooloola ensi yonna. Nsabye okusonyiyibwa, era mmanyi nti ssaakikola mu bugenderevu. Nnakikola nga mmanyi nti kye nnali nkola kyali kituufu. Kaakati nzija, gy'Oli Mukama mu bwombeefu. Nga nkusaba Ggwe owe omukisa essaala yange, nti, bwe nsabira abantu bano, bonna buli omu ajja kuwona. Wa omukisa okukkiriza kwabwe. Yamba obutakkiriza bwaffe Mukama.

Era leka buli omu, enkyo ya leero, ddala akwate okwolesebwa. Waleme kubaawo n'omu akusuula. Wabula leka bakulabe, mu Byawandiikibwa, era lowooza ku Malayika wa Mukama emabega eyo ku ntandikwa, eyagamba nti, "Nga Musa bwe yaweebwa ebirabo ebibiri." Ate awo, emyaka ebiri egiyise, Omukono ogukka nga guleeta Baibuli, okufaanana nga ogwawandiika ku kisenge e Babulooni; gwalabika nga omukono gw'omuntu, ogwali gusonga ku Baibuli ku ssuula y'emu eno, "Nga Bwe Nnali ne Musa, Bwe Ntyo Bwe Ndibeera Naawe." Era, Kitaffe, kiikino wano enkyo ya leero, kireeteddwa mu musana. Tukwebaza Ggwe olwa kino, Mukama. Nsonyiwa olw'obukyamu bwange. Era kaakati nga bwe tugenda mu lukanjjaana luno, ka amaanyi ga Katonda gawonye buli muntu omulwadde ajja mu lunyiriri. Era njenda ng'omuweereza Wo, sisaba mafuta ga njawulo, ekintu kyonna eky'enjawulo, naye nga mmanyi kino, nti mu bulamu bwange mulimu okutumibwa okwo, njenda okukuteeka mu nkola, mu Linnya Iya Yesu Kristo.

98 Kaakati, Ow'oluganda Neville, bw'onaayimirira wano. Kaakati, n'ekirabo kino, sigenda kubasiiga mafuta. Mulaba? Njenda kukola bukozi kye Yanjamba okukola, nga okuyitibwa kwange bwe kwagamba nti, "abantu basobozese okukukkiriza. Beera mwesimbu." Mukkiriza? [Ekibiina kiddamu nti, "Amiina"-Omuk.] Awo mba mwesimbu. Walina okubaawo ekibaawo.

Ow'oluganda Neville agenda kukulembera mu nnyimba. Mwenna musabe, mu kasirise, nga bwe nsabira abalwadde. [Ow'oluganda Neville atandika okuyimba *Kkiriza Gwe*.

99 Mukama Yesu, nteeka emikono ku mukazi alina obuyinja mu nsigo. Era mbunenya mu Linnya lya Yesu Kristo. Ka agende awonyezebwe.

Kiki ekibaddewo? Obuzibu bwo?

Mukama, nteeka emikono ku w'oluganda, ekizibu ky'akawago kino. Nnenya amaanyi gano aga setaani, mu Linnya erya Yesu Kristo. Amiina.

Ateekwa okukifuna.

Mukama, nteeka emikono gyange ku mwannyinaze alina amagulu gano agazimbye. Nnenya okuzimba okwo, mu Linnya lya Yesu Kristo. Amiina.

Genda, okikkirize, Mwannyinaffe, nga bwe tugambye.

Mukama! N'ekizibu ky'omutima ogumuluma n'ebirwadde ebirala, nteeka emikono gyange ku mwannyinaze, era nnenya kino, mu Linnya erya Yesu, okusinziira ku kutumibwa kwange.

Mukama, ng'alina amaaso agatalaba bulungi, n'omutima omulwadde, nkinenya, ku lw'omukazi ono, nga bwe nnatumibwa Katonda. Mu Linnya lya Yesu. Amiina.

Kiteekwa buteekwa. Kigenda kuba bulungi, mwannyinaffe...?...Nkikkiriza n'omutima gwange gwonna.

100 [Ebbanga ejgereere ku lutambi-Omuk.] Ekyo kituufu. Bwe kiba nga ky'ekiseera kyo okugenda, olina okubaako engeri gy'ogendamu. Ekyo bwe kiri. Wabula, ekisooka, nga tannakubuulira, bw'onaaba omwesimbu n'otakibuuusabuusa, ojja kuwona. Ekyo kituufu ddala.

Lazaalo yazuukizibwa okuva mu bafu. Yaddamu n'afa. Naye yazuukizibwa okuva mu bafu, okulaga nti Katonda by'Agabira abantu Abikuma. Yagamba nti, "Malyamu, okikkiriza kino? Nze kuzuukira n'Obulamu. Nnatumbwa Katonda, okuzuukiza abafu. Okikkiriza kino?"

N'addamu nti, "Weewaawo, Mukama. Nzirkiriza nti Ggwe Mwana wa Katonda, eyajja mu nsi."

N'agamba nti, "Mwamuziise wa? Uh-huh.

Yalina okuddamu okufa. Naye nga Yamuzuukiza, okulaga nti Ye ye Yali okuzuukira n'Obulamu. Mulaba?

Katonda Akola ebintu ebyo, era buli kimu kiba mu ntegeka ya Katonda. Oh, ndi musanyufu nnyo okwogera ekyo. Buli kimu kyonna kitebenkedde. Singa okkiriza, buli kimu kyonna ky'osaba kikuweebwa. Kirina okuba.

101 Kale. Genda bugenzi mu maaso n'okusaba kaakati, nga bwe tumaliriza olunyiriri.

Katonda Abawe omukisa.

Mukama Yesu, mwannyinaffe mulwadde nnyo, ampulira nga bwe nnyimiridde wano, nga mbuliira ebigambo ebyo. Leka-leka obunafu buno obw'okubuuusabuusa bubaveeko bona, Mukama. Leka basituke, bave ku lusozi olukadde luno olw'okutambula nga badda eno n'eri; bagende ku Yoludaani, Mukama. Kituwe, Mukama. Leka mwannyinaffe atambulire mu kkubo lino, nga akkiriza nti Mukama Awonya omubiri gwe. Mu Linnya lya Yesu. Tambula makubo go, nga okkiriza.

Katonda akuwe omukisa.

Mukama Yesu, muwe by'ayaayaanira mu mutima gwe, olwa muwala we n'amaka ge. Nsaba nti, mu Linnya lya Yesu, afune kino; nga bwe mpaayo essaala yange n'okukkiriza kwange, nga mmuteekako emikono. Singa ssikukkiriza Ggwe, ssandimutaddeko mikono gyange. Singa mbadde nzirkiriza nti togenda kukikola, ssandimusabidde. Naye nzirkiriza, Mukama. Nga naye, bw'akkiriza. Era tukeeka wamu okukkiriza kwaffe, nga tukkiriza nti tukifunye. Amiina.

[Ow'oluganda ayogerako eri Ow'oluganda Branham-Omuk.]

102 Katonda, akuwe omukisa, Pat. Mukama, olw'abaana be ab'omuwendo b'ayagala balokoke. Akaluubirizibwa okuwulira. Dokita agamba nti atandikiiriza okufuna ensenke mu liiso lye. Ayagala abeerewo olw'ekitiibwa kya Katonda. Kimuwe, Mukama, nga bwe nteekayo okwegayirira kwa muganda

wange kuno, nkisabira, mu Linnya erya Yesu. Amiina.

Oweebwe omukisa, ow'oluganda. Tobuusabuusa. Kkiririzaawo ky'osabye.

[Mwannyinaffe ayogera eri Ow'oluganda Branham-Omuk.] Akuwe omukisa, mwannyinaffe!

Mukama, mukazi wattu ono ayimiridde wano ku lwa mutabani we, akabenje k'ekidduka oba ekintu ekimu, Mukama, ekyamulumya. Agenda bamuteekeko eddiba eddala. Asabira omubiri gwe n'obulokozi. Asabira abaagalwa be. Asaba olw'embeera ye ey'okweraliikiriranga, Mukama. Anaatera okufa. Katonda, nsaba nti Omuwe by'ayaayaanira mu mutima gwe. Muwonye okunyigirizibwa kwe, era omuwonyeze ddala. Mu Linnya Iya Yesu mmusabira essaala eno ey'okukkiriza. Amiina.

Katonda Akuwe omukisa, mwannyinaffe. Genda, mu Linnya Iya Mukama. Katonda Akuwe omukisa.

103 Mukama, olw'obulokozi bw'abaagalwa be. Nsaba nti Omuwe ky'asaba, mu Linnya Iya Yesu. Amiina.

Kkiriza kaakati, mwannyinaffe, nti ekyo okifuna, awo nno kiryo kibe kikyo. Bw'okikkiriza, kirina okutuukirira.

Olwa muganda waffe Ted Dudley. Oli otya? Awe omutima gwo omukisa. Ndi bulungi! Okuva eyo yonna mu Phoenix, Arizona nga nninnye nnyonyi. Eyo ebuggumu gyeriri...?...

Omukyala oyo, wano, yawonera mu lukunjanaa lwange. Yali ava wa? Omukyala ova mu Phoenix? Tova mu...wali mu Phoenix, olw'olukunjanaa.

Ted, kiki ky'oyagala Akukolere? [Ow'oluganda agamba nti, "Anzigyeko okuziyira." -Omuk.] Akuggyecko ekiziyiro. Katonda akuwe omukisa!...?...

Katonda omwagalwa, ow'oluganda ow'omuwendo ono nga bw'abadde obuyambi gye tuli, Mukama, n'olw'ensonga y'abantu abazitoowereddwaa. Nsaba nti Omuyambe olwaleero. Aviira ddala eyo mu Phoenix, Arizona, okusabirwa, okuyimirira mu lunyiriri luno, okuwulira Obubaka, okumuzzaamu amaanyi. Mukama, kyalabise nga okwerekereza okw'amaanyi. Bwe kiri.

Naye kabaka omukazi ow'Obukiika-ddyo yajja, yatwala emyezi esatu nga yeebagadde enjamira n'ayita mu ddungu Iya Sahara, okuwulira amagezi ga Sulemaani. Era laba asinga Sulemaani ali wano; Omwoyo Omutukuvu Ali wano. Asiga Sulemaani.

Mukama, nsaba nti Omuwonye okunyigirizibwa okuli mu mubiri gwe. Muwe by'ayaayaanira mu mutima gwe. Leka atambulire mu kkubo eryamutegekerwa. Ka obulungi bwa Katonda bumubeereko. Nsaba omukisa guno ku muganda wange, mu Linnya erya Yesu Kristo, Omwana wa Katonda. Amiina.

Ted, nga oddayo, genda nakyo. Kikyo. Nkikuwa. Genda okifune.

104 Ow'oluganda George, abasinga obungi mumanyi George White. Bameka abajjukira embooz, bwe yali afa gye buvuddeko katono? Badokita bona baamuyitako nga omubiri gwe gwonna guzimbye bwe *gutyo*, nga mu mutimwa gwe mulimu akatole k'omusaayi akeekutte. Abasawo abawerako baali bamulemeddwaa. Nnagenda okumusabira. Ow'oluganda Funk yaliko wano katono gye buvuddeko; nkakasa yali nange, emmanga eyo ku olwo. Yatuula ku lusozi eyo, nnali nga eyali agenda okuyingga.

Njagala okugamba ekklesia eno kaakati, waliwo ebintu bye nnina okwogera ebibadde bigenda mu maaso. Emirundi mingi mulowooza nti mba njigga buyizzi; mba siyigga buyizzi. Ekyo kya kwekwasa okwewala abantu ababa bangoberera. Nnina okugendayo eyo mbeereko nzekka ne Katonda. Ekiseera kyonna sibeera mu kuyingga, mikwano. Yee, njigga, naye si-si kuyingga kwa ngeri eyo!

Nnatuula waggulu ku lusozi. Ne nkola, gy'Ali, nga eyali njenze kuyingga bumyu. Ne njendera ddala emmanju ne nsonga emikono gyange eri ennyumba, ne nsaba ne nsaba. Nga nfa!

Omwoyo Omutukuvu lumu ekiro, n'Ayogera nange nti, "Omu ku basajja bano, asabira mu kkanisa etakkiriza nti okuwona nga omuntu asabiddwa gye kituufu."

Waliwo omuweereza eyajja mu nnyumba ye, gye buvuddeko, n'agezaako okumpakanya mu kuwaanyisiganya ebirowoozo. Bangi ku mmwe aba wano, mwaliwo ku olwo akawungeezi ako. Mulaba awo, omusajja kaabula kata agwe eddalu. Kaakati ali mukugezaako okunnoonya, okufuna Omwoyo Omutukuvu. [Ow'oluganda Wright agamba nti, "Oh, agamba nze mukwano gwe asingayo gw'alina, newankubadde, wa luganda-Omuk.] Kirowoozeeko ekyo.

105 Omusajja eyayimirira awo okuwakana, n'agamba nti, "Ekisooka, njagala nkubuulire, oli setaani."

Ne njamba nti, "Nkusonyiye, kubanga ky'oyogerako tokimanyi."

Awo n'akyuka n'agamba nti, "mmanyi nga olina Omwoyo wa Kristo."

Kko nze nti, "nnali setaani, gye buvuddeko katono, ate ne mbeera Kristo kaakati. Ku byombi kiuwa ekituufu? Mulaba?" Mulaba? Kale kaakati, ebintu eby'entiisa bituuseewo.

Omusajja *ono* ng'agalamidde awo, afa. Ono omusajja n'amusekerera, n'agamba nti, "Gende oleete omuntu wo oyo asabira abalwadde ne bawona."

Nnali eyo mu Lexington, Kentucky, eyo omukazi gye yawonera Kkokolo. Kale mu kwolesebwa, Mukama Yandaga, nga nkonomawo, mu makya ago ku ssaawa nga kkumi-n'emu. Yakindaga ekyo. Yagamba nti, "Ojja kukwatako mu mukono gw'ow'oluganda George Wright, nga ova mu Kkunjaaniro, aje wano akwate mu mukono gwo. Kale omusajja eyamujerega, agenda kwesimira entaana." Ssaakimanya, ssaamanyi nga yali musimi wa ntaana.

106 Nnakubira mwannyinaffe Wright. Ateekeddwa okubeera erudda wano. Weewaawo. Nnakubira mwannyinaffe Wright. Ne njamba nti, "Nnina BW'ATYO BW'AYOGERA MUKAMA." Bwe kiri. Okwolesebwa bwe kutyo kwe njagala okulaba okuva kaakati okweyongerayo. Omuntu bwe mbaako kye mmugamba, ne kituukirira. Nnagamba nti, "Ow'oluganda George alisima entaana y'omusajja, oba alibaawo ku ntaana y'omusajja oyo amujerega. Era alijja ne mu kkunjaaniro, era ndimukwatako ne mu mukono." Akatole k'omusaayi ogwekutte akaali kawagamidde Ow'oluganda George kaamuvaako.

Ebyo nga biwedde, waayitawo, omwezi nga gumu oba ebiri, ne nkonomawo. Era ye bulijjo, kyenkana olubeerera, aja eno bw'ati. Wabula, ku makya ago, yajja eno bw'ati. Nnalina abawuliriza...ne njogera nti, "Labayo, labayo, labayo! Wuuno wano aja, wano wennyini, laba, mu ngeri yennyini nga bwe Yakyogera."

Wuuno wano, olwaleero. Ekyo bukya kibaawo...[Ow'oluganda Wright agamba nti, "Emyaka mwenda, "-Omuk.] Emyaka mwenda egiyiseewo. ["Nnali nsigazza obutole mwenda obw'omusaayi obwali bwekutte."] Obutole bw'omusaayi mwenda, kaakati wayiseewo emyaka mwenda.

107 Ye ate, nnawulidde Mwannyinaffe Hickerson oyo...Ow'oluganda Hickerson waali wano olwaleero? Nti mwannyinaffe ali bulungi. Ekyo kirungi nnyo. Kirungi ekyo. Naye, yalimu obutole bw'omusaayi obwekutte, nga bumuli mu kugulu.

Kaakati alwadde ennyingo mukono gwe.

Oyo yali muwala we, mwannyinaffe Hattie atuulidde ddala awo, gwe mpaddeko obujulizi wano akaseera akayise, obuweereza obupya we bwatandikira okukola omulundi ogwasooka. Ekyo kituufu, mwannyinaffe Hattie. Simanyi oba abalenzi weebali kaakati enky ya leero? Oli nabo? [Mwannyinaffe Hattie agamba nti, "Bali eri emabega. -Omuk.]

Bali ludda wa abalenzi? Bombiriri baabali bayimiridde eri emabega. Baabo awo abalenzi ababiri nnyaabwe be yeefunira...Muwanike-muwanike ku mikono gyammwe, abalenzi babalabe. Kale. Bayimiridde eri emabega. Kya kitalo, si bwe kiri, Orville. Ddala ddala. Kale.

108 Ow'oluganda George. [Ow'oluganda Wright agamba nti, "Ommayi, Ow'oluganda Bill. Nzirkiriza."-Omuk.] Mmanyi nga okkiriza. Era mmanyi emirundi mingi, mbaddengako mu kisenge kyo, akawungeezi, nga ntunula ebweru mu ddirisa, nga mpuliriza, akanyonyi akayitibwa mockingbird. Olunaku Iwe lumu Iwe tulina okugenda, Ow'oluganda George. Okutuusa mu kiseera ekyo, Katonda Abeere naffe. Mmanyi Ajja kukikola. "Weewaawo, newankubadde nga ntambulira mu kiwonvu eky'ekisiikirize eky'olumbe, siritya kabi konna. Ggwe Oli nange." Okwolesebwa okwo, wano ebbanga si ddene emabegako, bwe nnalaba abakadde abo nga bazze buto, bwe ntyo luliba lumu ne mbalaba.

Kitaffe ow'omu Ggulu, wa muganda waffe by'ayaayaanira mu mutima gwe. Muwonye obulwadde bw'ennyingo. Agenda akaddiwa, Kitaffe. Nsaba nti Onaamuyamba. Yamba mwannyinaffe Wright, ka Edith, n'amaka gonna agali emmanga eyo. Mwannyinaffe Hattie abaana be, n'abaagalwa baabwe bona, beera nabo, Kituve kitaffe. Ddamu essaala yaffe nga bwe nkisaba mu Linnya Iya Yesu. Amiina.

[Ow'oluganda George Wright agamba nti, "Nja kuweza emyaka nsanvu-mu-mwenda-Omuk.] Nsanvu-mu-mwenda. Katonda akuwe omukisa, Ow'oluganda Wright, Akwongere ennaku endala nnyingi.

109 Ow'oluganda Daulton. Owange, owange! Ow'oluganda wuuno abadde ow'omuwendo gye ndi. Nja kubabuulira biki ebyagwawo. Sirina budde kubiyitaayitamu. Mukyala we amanyi. Yagamba nti, "Yali afa." Obulwadde bw'omutima, bwe bwali bumuluma, mwannyinaffe? Era, ekyo nga tekinnabeerawo, Mukama Yali Amuwadde ekirooto, era okuvvunuulwa ne kujja. Obulwadde bw'omutima bwe bwamukwata, omukyala yamuyimirira butereevu mu maaso, n'ayogera nti, "Nkiziimuula kino." Katonda Yali Amuwadde ekirooto nti bwe kityo bwe kigenda okuba, era okuvvuuunulwa ne kujja. Dokita yali alowooza nti omusajja yali afa, naye kaakati wuuno wano mulamu olwaleero.

Mukama Yesu, eri Muganda waffe ow'omuwendo, yavuga olugendo oluwanvu okujja mu lukanjaana luno enky ya leero. Bbunwe we amuluma. Okufaanana nga emmotoka, Mukama, ebitundu bitandise

okukaddiwa, okuggwaawo. Naye, Ayi Mukama, beera Amaanyi ge. Ggwe Maanyi gaffe. Siba onyweze ekifo kino ekirema mu bbunwe we. Onyweze buli awali obunafu wonna, Mukama. Era Muganda waffe omulungi Omuwe okuwonyezebwa kwe, nga mmuwa omukisa mu Linnya lya Yesu Kristo Omwana Wo. Amiina.

Katonda Akuwe omukisa, Ow'oluganda Daulton. Kale bwe kityo bwe kiriba.

110 Kale, Mwannyinaffe, Mukama kiki ky'Aba akukolera? [Mwannyinaffe ayogera n'Ow'oluganda Branham-Omuk.] Lwaki, Mwannyinaffe Daugherty. Ono ye Betty? ["Oyo ye nze."] Lwaki, Betty, Mukama Akuwe omukisa!

Mu Kkunjaairo lino ani atamanyi Betty Daugherty? Omulundi ogwasooka obuveereza bwange obukadde bwe bwali bukoze, bwali ku mwana ono. Bameka ekyo abakijjukira? Mulaba? [Ekibiina kiddamu nti, "Amiina." -Omuk.]

Betty yalina amazina g'omutukuvu Vitus. Era yali mu buzibu obw'amaanyi butyo, nti, yali n'okweyisa teyeeyisa nga muntu. Nga tewali na musawo asobola kubaako ky'amukolera.

Ne njenda mu St Louis. Ekkanisa eno yawaayo ssente, nze ne nneeyazika ekizibaawo ky'omuntu. Ne bansondera doola kkumi-n'emu okugendayo okusabira akawala kano. Kaali kawala katono, nga kenkana ng'akawala kano akatudde wano, kano akawala akato. Ne mbeeraawo...Ow'oluganda Daugherty waali wano? Taliwo. Ne nsaba ne nsaba ne nsaba; nga sirina gye ndaga. Ku nkomerero, mba ntudde mu mmotoka y'Ow'oluganda Daugherty, ne ndaba okwolesebwa ku kiki kye baalina okukola.

Betty n'agoberera okwolesebwa ddala nga Mukama bwe Yamugamba okukola. Nzirkiza, kyali mu ngeri emu kikontanamu kko n'endowooza ye, mu kiseera ekyo. Wabula yakolera ddala nga Mukama bwe Yamugamba kikolebwe, Betty n'awonyezebwa. Omulundi gwe nnasooka okumulaba, engeri gye...N'agamba nti, "Jjajja Daugherty nga ali ku ludda olumu olw'ekitanda; Ow'oluganda Daugherty ng'ali ku lulala. N'amuwa ekiwero n'anaaza omwana mu maaso n'emikono, n'ebirala." Ne mpitaayita mu ssaala nti, "Kitaffe ow'omu Ggulu, Erinnya Lyo litukuzibwe."

111 Era Betty kaakati akwatiddwa ensenke. Nnadadde nnina okumusabira akaseera akatono akayiseewo, emabega w'ekizimbe eyo mu Chautauqua.

Betty, munnange, leka kino tukimalirize mu bwangu kaakati. Njagala nkuate mu mukono gwo. Oli muzibe, ebbanga lyonna, Betty? [Betty Daugherty addamu nti, "Nedda." -Omuk.] Osobola okulaba emisana n'ekizikiza nga kikwata. Kaakati olina emyaka emeka, Betty? ["Abiri-mu-ebiri."] Abiri-mu-ebiri. Mu kiseera ekyo, yali wa myaka musanvu oba munaana. Mwannyinaffe Daugherty, wali oyise mu kusika okuzibu, si bwe kiri? Omnyi, bulijo nzirkizza nti Katonda waliwo ky'Alina gy'Oli okukola. Nzirkiza nga y'ensonga Iwaki kibaddenga bwe kiti gy'oli. Era nka-nkakasa nga omulabe y'akoze ekintu kino ekibi.

Kaakati, omnyi, Betty, mwannyinaze, Singa mbadde n'amaanyi okutuukamu omwo ne nkwatera ensenke zino ne nzisikayo, nnandikikoze. [Mwannyinaffe Betty Daugherty agamba nti, "Yee." -Omuk.] Sigalina.

Wabula, Betty, kye nnasooka okukugamba omulundi ogwasooka, ago ge mazima; nga bwe ntudde wano, ggwe nange, nga ow'oluganda ne mwannyinaze mu Kristo. Ow'oluganda Daugherty, taata wo omulungi, ow'oluganda omulungi gwe nnali mbadde naye. Maama wo omulungi wano. Nnasulako mu nnyumba yammwe, ne mugabana nange emmere yammwe, na-na buli kimu. Obadde nga-nга mwannyinaze ddala. Kale nga siyinza kubeera mwesimbu kusingako nga bwe nnali ne Delores atudde emabega eyo.

112 Kaakati, Betty, kino Katonda Yakisuubiza, njagala kyonna nkiggyeyo...Taata wo, olw'okubeera omuveereza, wakuzibwa mu maka agasabira abalwadde. Kkwo okuba, osabiddwa, emirundi mingi. We kituuse wali nti, ebiseera ebimu tukiyitako buyisi, ne tudda eno n'eri. Ne tu-tubanga abava ku mugaso gwakyo. Mulaba Kye ntegeesa? [Mwannyinaffe Betty Daugherty addamu nti, "Amiina." -Omuk.]

Owange, Betty ofuuse omuwala, omulungi ennyo. Kiswaza okulaba amaaso go nga gagenda bwe gatyo. Meda akyalimu mu kizimbe? Mukyla wange yayagadde akulabeko. "Njagala alabe ku Betty, nga afuuseemu omuwala alabika obulungi." Betty wali kawala kato akalungi. Bulijo obaddenga muwala mulungi.

Kaakati, waliwo ekintu kyonna mu bulamu, ky'olemereddwa, Betty? Kaakati, nga omusawo bwe yandikebedde omubiri gwo ogw'obuliwo, njagala okutunuulira emmeeme, Katonda olina wonna we wamuyiwa, Betty? Bwe wabaawo, kikkirize bukkiriza okyatule gy'Ali nti, "Mukama, bw'Onaddamu n'Okimpisaako, njagala...nja kweyisa bulala."

113 [Mwannyinaffe Betty Daugherty ayogerako n'Ow'oluganda Branham.-Omuk.]

Owange! Kyewuunyisa. Leka tukirowooze bwe tuti. Kaakati, nnabadde simanyi nti Betty Daugherty

yabadde waakubeera mu lukunjaana luno. Naye eyasooka ku kwawula kwange okw'emyoyo, yali Betty Daugherty. Kiikino wano, kikomyewo nate, ku lukunjaana olusooka ku *kino*.

Yamanyirawo ku olwo kiki kye nnali njogerako. Ssaagala kuddamu kutandika kwawula myoyo, kubanga, mu lunyiriri. Naye ayogedde ky'abaddal alina okwogera kaakati. Yajjuzibwa Omwoyo Omutukuvu, eyo-eyo mu St. Louis. Nga omuwala ow'emyaka emitiini, akaana akato, oboolyawo akoze ebintu by'atasaana kukola. Wabula, ani atabikolangako? Ani atabikolangako? Singa si kisa, fenna tuba tubuze. Kale bw'oba mwetegefu okwatula ebyonoono byo, Katonda Mwenkanya, okukusonywa ebyonoono byo.

114 Nnyimusa okukkiriza kwange kaakati. Mukama, ndeeta gy'Oli omuwala ono. Nteeka emikono gyange ku maaso ge. Nnenya ensenke eno, era nzikiriza nti Betty ajja kuddamu alabe. Leka amaanyi agaazibula amaso g'omuzibe Battimaayo, gaddemu gawe Betty okulaba kwe nga bwe mpaayo essaala eno nga ndiko okukkiriza. Mu Linnya erya Yesu Kristo, Omwana wa Katonda. Nziremu nate nkuateko mu mikono gya mwannyinaze, awantu awamu, olwaleero, enkyo, oba Iwonna Iwe kiribeerawo. Awo amaso ago amatangaavu gandabe, agambe nti, "Ow'oluganda Branham, nsobola okulabira ddala obulungi nga bwe nnalabanga mu nnaku zange nga nkyali mu ssomero."...?...Leka kibe bwe kityo.

Mukikkiriza ekkyo, Mwannyinaffe Daugherty? [Mwannyinaffe Daugherty agamba nti, "Yee" -Omuk.] awo kijja kuba bwe kityo. [Ekibiina kisanyuka.-Omuk.]...?...

Mukama, mu Linnya lya Yesu, Omwana wa Katonda, Wa Mwannyinaffe ky'ayaayaanira mu mutima gwe, nga bw'ayimiridde ng'awanise omukono gwe. Leka amaanyi agaawonya Betty Daugherty, omulundi ogwasooka n'omulundi guno ogw'okubiri. Leka gawonye mwannyinaffe mu Linnya erya Yesu. Amiina.

115 Ow'oluganda. [Ow'oluganda ayogerako n'Ow'oluganda Branham-Omuk.] Muganda waffe ayagala kulokoka. Okkiriza Mukama Yesu Kristo okuba Omulokozi wo? ["Yee."] Okkiriza nti Yakufiirira, n'Azuukira nate? ["Yee."] Kaakati omutwala okuba nga ye Mulokozi wo? ["Yee."]

Mu Linnya lya Yesu Kristo, leka buli kibuuzo kyonna ekikwata ku kibi mu kutegeera kw'omusajja ono kiveewo mu mutima gw'omusajja ono. Leka muganda waffe abeere Omukristaayo olwaleero, okuva kati n'okugenda mu maaso, nga talina kubuusabuusa, mu Linnya lya Yesu Kristo.

Kyukira ekibiina kino, ogambe nti, "Nzikiriza Yesu ng'Omulokozi wange." [Ow'oluganda agamba nti, "Nzikiriza Kristo ng'Omulokozi wange."-Omuk.] Musanyufu nnyo okuba nti ebibi bye bisonyiyiddwa olw'Omusaayi gwa Yesu Kristo. Ekyo kye twagala, Amiina, okuwonyezebwa okw'emirundi ebiri.

Mukama, omukazi muwe obukakafu bw'obulokozi bwe, n'ebizibu bye byonna, Yesu, leka bikkirizibwe, mu Linnya lya Yesu Kristo. Amiina. Genda okifunye. Genda ng'okkiriza kaakano. Toganya...[Ebbanga ejjereere ku lutambi- Omuk.]...?...

116 Era nti ntuukirizza bingi, enkyo ya leero, olw'Obubaka bwe mbadde nabwo n'ebintu bye ntegeddeko. Ngoberedde okutumibwa, era, okusiga bye ntuukirizza mu myaka etaano egiyise, kubanga nzudde entabiro y'ebyo Katonda by'Ayagala.

Kaakati, kiyinza okumbeerera ekizibu okukyusa okuva ku buweereza obumu okudda mu bulala. Wabula, si kukyusa buweereza. Kulinnysa obuweereza bwe bumu mu mutendera ogwa waggulu ko. Kutumibwa okwasooka. Ebintu bino byonna ebirala bibaddenga bizimbira okwo. Kaakati ky'ekiseera.

N'omutima gwange gwonna, nzikiririza buli muntu yenna gwe nsabidde. Nzikiriza nti bagenda kuba bulungi era n'obukakafu bwonna bwe tulina, buli kintu kyonna Katonda ky'Alaze, mwaka ku mwaka, n'obukakafu obutawakanyizika, obwa Baibuli okuddamu okuba ennamu, nate, kiyinza kitya okulemererwa? Tekisobola n'akatono kulemererwa.

117 Kaakati, waliwo engeri emu yokka eyinza okukiremesa, eyo ye ggwe obutakikkiriza. Singa Yesu Ayimiridde wano n'Akusabira, n'Ayita mu kintu kye kimu kye tukoze enkyo ya leero, tewali kirala kyandibaddewo. Oba, singa okkiriza n'ekigera ekyokukkiriza, nti, tewali kyandibaddewo kisinga ku ekyo ekiribaawo, singa okkiriza n'ekigera ky'okukkiriza ky'ekimu. Kubanga, nze mmukiikirira bukiirizi. Ndi mwonoonyi eyalokoka olw'ekisa, omuntu obuntu nga ggwe, muntu buntu. Naye Katonda alina okubaako awantu n'omukutu ogufulumya. Era ekyo Akikakasizza ng'akozesa Ekigambo Kye. Akikakasizza ng'Ayita mu buweereza. Akikakasizza ng'Ayita mu Malayika wa Mukama. Era kiikino wano. Kaakati kiri gye tuli, okukikkiriza.

Kaakati mujukire, okufaanana ng'omwana omuto. Oba wabaddewo okunyigirizibwa, toddamu kukulaba. Oba wabaddewo endwadde tekyaliwo nate. Tofa ku kabonero konna, ekintu kyonna ekikontana n'ekisabiddwa. Emirundi mingi...Buli mwana ajja eri Katonda, atekwa okugezesewba. Tugezesewba, okulaba oba ekyo tukikkiriza, oba nedda. Era ojja kubeera n'entalo n'ebizibu. Wabula mujukire, tuli mu kukumba kwaffe.

118 Katonda Abawe omukisa. Mbaagala. Era nze, Katonda ng'Annyambye, nsuubira Ajja kunjanya

okubawereza, ng'omuweereza We, emyaka mingi nnyo egijja, y'essaala yange. Munsabire.

Era kaakati mujjukire akawungeezi kano, *Okukakasibwa Okutawakanyizika okw'Emirundi Etaano okw'Ekkanisa ya Katonda Omulamu*. Oktuusa ku olwo...

Leka tuyimirire, ku magulu gaffe, okumala akaseera.

Oh, waliyo okubatiza? [Ow'oluganda Neville agamba nti, "Nzikiriza gyekuli. Leka tulabe oba tusobola." -Omuk.] okubatiza! ["abantu bameka ab'okubatiza?"] Abagenda okubatizibwa, weemuli? Wanika omukono gwo, oyo yenna agenda okubatizibwa. ["Waliyo omu."] Omu, babiri, basatu...Yee. Munsoniyire, ddala, ab'emikwano.

Kaakati, abo abalina okugenda, nja kubasiibula. Abalala basigale olw'okubatizibwa, abo abaagala. Tujja kuba n'olukunjaana olw'okubatiza, mu kaseera akatono.

119 Katonda kitaffe, siibula abo abalina okugenda, n'omukisa Gwo, n'okwagaliza emikisa Gyo. Ekisa Kyo kibabeereko, nga beebaza olw'ebyo byonna ebituukiddwako enkyia ya leero, nga bwe tuva awali olusozi, tutandike okwambuka. Mukama, leka tulinnye ku buli mutendera gw'eddaala lyonna, oktuusa Iwe tulituuka mu-mu Bwakabaka bwa Katonda. Tukikusaba, Mukama. Beera naffe kaakati. Tusonyiwe ebibi byaffe, abo abagenda okusigala okubatizibwa olw'okuggyibwako ebibi byabwe. Mu Linnya lya Yesu Kristo, leka ebintu bino bituweebwe.

Tukunjaanye wamu nate, akawungeezi ka leero. Leka amaanyi Go n'emikisa Gyo gitubeereko, akawungeezi ka leero. Leka wabeevo akawungeezi ak'amaanyi olwaleero. Leka bangi, abatabuddwa, batereezebwe, akawungeezi ka leero. Tukikusaba, Kitaffe, kubanga tukisaba mu Linnya erya Yesu. Amiina.

Kale. Muyinza okujira nga mutuulako bwe muba mwagala, nga bwe tuteekateeka okubatiza.



[www.messagehub.info](http://www.messagehub.info)

Byabuulirwa

William Marrion Branham

"...mu nnaku z'eddoboozi..." Kub. 10:7